

KHUETŠO

Ke a go leboga, kudu. A re feleng re eme feela nakwana bjale
ge re inamiša dihlogo tša rena bakeng sa thapelo. Gomme ge
re sa ne dihlogo tša rena di inamišitšwe, le dipelo tša rena, ke a
makala ke ba bakaē ka fa ba nago le kgopelo, o ka e dira e tsebjie
go Modimo ge le phagamiša diatla tša lena? Gomme ka gona bjale
e no swara kgopelo ya gago ge re rapela.

² Tate wa Legodimong, re thabetše se bošegong bjo, nako ye
nngwe gore re kgone go tla go Wena, le go ba le netefatšo gore se
re se kgopelago re a se amogela, ge re ka dumela gore re hwetša
se re se kgopelago. Gomme bjale, Morena, thuša gosedumele ga
rena, gore re ke bošegong bjo re kgone go ba le dilo tše tše re di
kgopelago. Diatla tša ka, le diatla tša bona, di godimo. Gomme
re a rapela, Tate, go Wena Yo a kwešišago dilo tše re di hlokago. E
fe, tšona, go rena, Morena, bošegong bjo. Re rapelela tlhohleletšo,
gore ge re le ka go iri ye kgolo ye ya tlalelo ye re lego ka go yona,
le . . . le lefase ka seemong se le lego ka go sona, re nyaka thušo ye
kgethwa ya Gago kudukudu, Morena. Gomme re a rapela gore O
tla re hlohleletša ka Lentšu la Gago, gore re ke re tsebe gore re
swanetše go dira bjang, feela pele ga go Tla ga Morena Jesu. E fe,
Tate. Re e kgopela Leineng la Jesu. Amene.

Le ka dula.

³ Ke thabile kudu go ba morago gape bošegong bjo, le go bolela
gape ka Morena wa rena wa mogau kudukudu. Ke mo go botse
go ba morago mo ka Lane Tech gape. Se gabotse se swana le
go tla gae; ke bile mo dinako tše ntši kudu. Gomme bjale ke a
bona ba na le disakatuku tše ntši mo tše di beetšwego godimo
mo go rapelelwa. Gomme bjale, bošegong bja go feta, re ile ra
swanela go, re tswaletše ditirelo tša rena tša mehleng tša phodišo,
re tšere dikarata tša rena le dilo, ka lebaka la go ba le ditirelo tše
pedi. Le a bona, e mokgwa wa go bea kgatelelo ye ntši go wena,
go ba le—le tirelo tše pedi. Gomme bjale ka nnete re tla be re
rapelela disakatuku tše bošegong bjo, le go tshepa gore Morena
o tla dira yo mongwe le yo mongwe wa lena, ka tumelo ye e tlago
go amogela se o se kgopetšego ka go dikgopelo tše.

⁴ Ka kgonthe re ya go hlaiwa ke Ngwanešu Mel Johnson
gosasa, le moopelo wola wo mokaone. Ka kgonthe ke leboga
segalontšu sela se sekaone seo Morena a mo filego.

⁵ Gomme bjale, gosasa, ge eba le etile fa, ke tla re go batho
ba tabarenekele, go ne . . . Ke na le bagwera tsoko mo go tšwa
tlase Jeffersonville. Ke a nagana ka kerekeng ya Filadelefia,
Ngwanešu Mead, ngwanaborena, ke a nagana ba na le tirelo
fao. Gomme ga ke tsebe ge eba lena, le ne tirelo? Go ne tirelo.
Lena, nako mang? [Ngwanešu o re, “Lesometee.”—Mor.] Iri ya

lesometee, go tla ba le tirelo fale. Gomme ke a eleletša ke tla ba morago e ka ba masometharo a ya pele, goba ya bobedi, ye nngwe . . . Ya boraro, ke—ke swanetše go ba ka iri ya boraro, iri ya boraro, gomme—gomme ka gona ya bošupa gape gosasa mantšiboa. Kafao ka kgonthre re nyaka ka mabobo go le mema bohle ba lena go tla ditirelong, ge ū se ne tirelo ka kerekeng ya lena beng.

⁶ Ka kgonthre re ka se nyake go le gogela kgole go tloga go lefelo la lena beng la mošomo, gobane ao ga se maikemišetšo a rena. Ke go leka go swara, gagolo, bao ba sega ba phološwa. Bao ba se nago Moya wo Mokgethwa, gomme ka kgonthre le—le dumela gore le a O hloka, gomme ka gona re mo go le thuša. Gona balwetši le batlaišwa, gobaneng, re fa go ba rapelela, go tšwa go dikereke tšohle. Gomme o boela morago kerekeng ya gago, kae kapa kae o tšwago. Ge o amogetše Moya wo Mokgethwa, goba o fodisitšwe, eya morago le bopaki, botša ba bangwe. Le ge kereke ya gago e sa dumele go yona, sepela go le bjalo. Le a bona? Moo, go bonolo go dumelela Seetša sa gago go phadima moo go nago le bontši bja—bja Seetša, eupša re nyaka Seetša go phadima moo go sega Seetša. Ke ge se efa khuetšo ya sona ye kaonekaone.

⁷ Gomme . . . (Ke a go leboga, Ngwanešu Vayle.) [Ngwanešu Vayle o lokiša segodišantsu, gomme o re, “Dula godimo ka mokgwa wo, re swanetše go se šetša.”—Mor.] Ngwanešu Vayle o be a nagana gore ba be ba ka se kgone go kwa. A seo se kaone? Gabotse, gabotse, seo se gabotse.

⁸ Bjale, bošegong bjo, ntle le tirelo ya phodišo, ke a nagana, ke swanetše go tšwela ntle pejana gannyane bošegong bjo. Ke—ke be ke bolela, bošego bjo bongwe le bjo bongwe, “Ke ya go leka go le ntšha e ka ba ka masometharo a senyane.” Gomme gabotse kgauswi le nako yeo bjale, gomme kafao, iri ya senyane, e ka ba metsotsa ye mehlano. Gomme ka gona nako ya go fetša, gomme ka gona ke le swere mosong wo e ka ba diiri tše pedi, ke tla le botša, go molaleng le tla lapa le go thaba ge ke tlogela toropokgolo gosasa bošego. Eupša ke duma ge nka no tliša nnamong tlase go bona polelo ya metsotsa ye masomepedi. Eupša ke no swanelia go tšwelapele ke bolela go fihla gore ke a lapa, gomme ke a tseba le lapile ka nako yeo. Kafao gona ke no se tsoge ka fetša; ke no tlogela le go ya ka gare, go khutša lebakana.

⁹ Bjale, bošegong bjo, ke nyaka le phetle ka Dibeibeleng tša lena, go Jesaya, Puku ya Jesaya, tema ya—ya 6 ya Jesaya. Gomme bjale pele re bala, re tla kgopela Modimo go šegofatša Lentšu la Gagwe le go—go Le dira kgonthre go rena, ge re inamiša dihlogo tša rena nakwana feela. Gabotse, re tla bala Lentšu pele, gomme morago ra theetša sekgauswi bjale ge re bala.

Ka ngwaga wo kgoši Usia a hwilego ke be ke . . . Ke bone gape Morena a dutše godimo ga terone, godimo le

go phagamišetšwa godimo, gomme mohlala wa gagwe o tletše tempele.

Gomme ka godimo ga yona go eme barongwabatuki: yo mongwe le yo mongwe wa bona a na le diphego tše di selelago; ka tše pedi a ipipa sefahlego sa gagwe, gomme ka tše pedi a ipipa maoto a gagwe, gomme ka tše pedi o be a fafa.

Gomme o tee o goeleditše go yo mongwe, gomme o rile, Mokgethwa, mokgethwa, mokgethwa, ke MORENA Modimo wa mašaba: lefase ka moka le tletše ka letago la gagwe.

Gomme direpodi tša mojako tša šišinyega ka segalontšu sa yo a goeletšago, gomme ntlo ya tlala ka muši.

Ka gona ka re, Wa madimabe ke nna! ka gore ke fedile; ka baka la gore ke nna motho wa dipounama tša ditšila, gomme ke dula magareng ga batho ba dipounama tša ditšila: ka gore mahlo a ka a bone Kgoši, MORENA wa mašaba.

Ka gona gwa fofela yo mongwe wa barongwabatuki go nna, a swere legala le le phelago ka seatleng sa gagwe, le a le tšerego ka letlao go tšwa aletareng:

Gomme o le beile godimo ga molomo wa ka, gomme o rile, Bona, le le kgwathile dipounama tša gago: gomme bokgopo bja gago bo tlošitšwe, gomme sebe sa gago se hlatswitšwe.

Gape ke kwele segalontšu sa Morena, se re, Ke tla roma mang, gomme ke mang a tla re elago? Ka gona ka re, Ke nna yo; roma nna.

¹⁰ A re rape leng. Morena Jesu, ga ra lekanelo go šwahlala ka go sehlogo se sa mogau kudu, bošegong bjo, eupša re kgopela thušo ya Gago bjale, Morena, e sego bakeng sa morero wo mongwe eupša gore e—e Ebangedi e ke gatee gape e rerwe ka go toropokgolo ya Chicago. E fe, Morena. Gomme a nke khu—khu khuetšo e be khuetšo ya neng le neng. E fe. Re e kgopela ka Leina la Jesu. Amene.

¹¹ Bjale ke nyaka go tšea sehlogo go tšwa go ye, sa: *Khuetšo*. Le a tseba, go na le se sengwe sengwe seo re lego, rena, seo re se dirago, re huetša yo mongwe gape ka seo re se dirago, tsela ye re dirago, ka tsela ye re bolelago, ka tsela ye re phelago. Gomme tšohle tseo re di dirago, re huetša yo mongwe gape.

¹² Gomme bjale, le a tseba, batho ba bantši ba ka se ye kerekeng. Ba re... Gabotse, ba ne kgopollo ya go fošagala ya kereke. Ba nagana ke ba—ba basadi tlase kua ke—ke baloi, gomme ba—ba banna ke—ke matimone a go apešwa ka boso, gomme ba no ba le kgopollo ya go fošagala ka yona. Eupša ke

le botša se ba se dirago, ba tla šetša bophelo bja gago go bona se o se dirago. Ke a dumela e bile Paulo yo a rilego, “Re diepistola tše di ngwadilwego tša Modimo, di balwa ke batho bohle.” Ge o le mokgotheng, gomme ge o le mošomong wa gago, le e ka ba kae o lego, yo mongwe o go šeditše.

¹³ Gomme gagolo ka morago ga ge o boletše le go dira boipolelo bja gago gore o Mokriste, ba tla le hlokomela kgauswana kudu nako yeo, gomme seo se fa khuetšo go—go batho ba ba lego tikologong ka wena. Gomme re swanetše go šetša se re se dirago. Gobane, ge re tšweletša khuetšo ya go fošagala, gona re tliša kgobogo, e sego bontši kudu godimo ga renabeng, eupša godimo ga se re tleleimago go ba sona: Bakriste. Re e tliša godimo ga Kriste. Gomme ga go yo motee, ge re ka nagana, o ka se tsoge wa nyaka go tliša kgobogo godimo ga Kriste. Eupša tiro ya go fošagala, ka nako ya go fošagala, ka nnete e tla hlola ponagatšo ya go fošagala go motho yo a go šeditšego. Gomme yo mongwe le yo mongwe o šeditšwe, ge o ipolela go ba Mokriste.

¹⁴ Bjale sehlogo se seo re bolelago ka sona bošegong bjo, sa khuetšo, se ya morago, thuto ya kgonthe ya yona, ge le ka rata go—go e bala, le tla e hwetša ka go Dikoronika tša Bobedi, tema ya 26. E be e le bophelo bja Usia yo, kgoši.

¹⁵ Bjale, Usia kgoši o be a le mošemane wa modiši. O be a le moisa yo moswa, yoo, morwa wa kgoši, gomme yoo a bego a rata ka ntle. O—o ratile di—di dikgwa gomme o be a le modiši. Gomme gape o ratile dirapa tša merara, o ratile go bona dilo di gola. Gomme moisa yo moswa yo o godišitšwe ka tlase ga khuetšo ye botse ka kgonthe. Amatsia, tatagwe, o bile monna yo mogolo, mo matšatšing a gagwe a mafelelo o hlephišitše gannyane, le go topa godimo badimo ba bangwe go tšwa nageng ye nngwe, gomme Morena nako yeo o mo tšere go tšwa lefaseng. Eupša moisa yo moswa yo o be a bile le khuetšo ye botse, gobane mmagwe e be e le morwedi wa Jerusalema, tatagwe modumedi, gomme kagona mo—mo mošemane o godišitšwe ka khuetšo ye botse.

¹⁶ Gomme yeo ke tsela ye botse go godiša ngwana, ka tsela ye a swanetšego go ya. Gomme le a tseba ke eng? Bana ba gago ke yo mongwe wa mahlo a magolo ao a go šeditšego. Ba šetša se o se dirago. Gomme eng kapa eng le se dirago, ba kopiša ka morago ga lena, ka baka la gore le bea mohlala pele ga bona, go seo le se dirago.

¹⁷ E a nkgopotša. Fa e se kgale botelele, ke be ke le kopanong ya Banna ba Kgwebo ba Full Gospel, ntle ka Los Angeles. Gomme Ngwanesu Oral Roberts o be a dirile setatamente ka se sengwe mo mothalong wo, gomme ba nkgopetše go emelela le go bolela se sengwe ka yona, ka go huetša. Ke rile:

¹⁸ E nkgopotša kanegelo ye ke e badilego gatee, moo mo—mo monna a ilego ntle, bošego pele ga Krisemose, a tše dimpho go kgabola boagišani, go badirišani ba gagwe, baagišani. Gomme

ka nako ye nngwe le ye nngwe, moo a ilego lefelong, o—o tšere seno. O be a eya ntlong ye e latelago, gomme o be a tsea seno. Gomme ka nako ye a bilego le dimpho tšohle tša gagwe—tša gagwe di filwe ntle, le tše a bego a di kgoboketša; tseleng go boweng, o naganne o be a tla tsea go kgaoletša go kgabola phaka. Gomme go be go wele e ka ba diintšhi tše nne goba tše tshela tša lehlwa. Gomme o ikhweditše yenamong, o be a sa kgone go sepela ka go otlologa, o be a sepela manyakanyoka gobane o be a huetšwa ke dino tše.

¹⁹ O lemogile, go tleng moragorago ka morago ga gagwe, go se kgone go emelana le yena, o be a le wa gagwe wa nthathana, mošemane yo monnyane wa mengwaga ye e šupago; gomme o be a dira dikgato tše kgolo, le go wela godimo, le go nyokanyoka. Kafao o letile go fihla mohlankana yo monnyane a mo swere, gomme o rile, “O sepela ka mokgwa wola bakeng sa eng, morwa?”

O rile, “Papa, ke leka go gateka dikgatong tša gago.”

²⁰ Bjale le a bona gore seo se feta feela mo—mo mohlala, ka gore ke therešo, gore, bana ba gago, o ba beela mohlala.

²¹ Gomme ge batho ba rena ba Amerika ba bea mohlala lehono, pele ga bana ba rena, wa go kgoga disekerete, basadi le banna, go nwa, le dikarata ka ntlong, le—le ditaese, ke mohuta mang wa—wa batho re tla bago le bona ka go morafe wa go latela woo o tlago, goba moloko wa go latela, a ke re, woo o tla tlago? E tla ba sehlopha sa ditseketske. Gomme seo ke naganago gore lefase lohle le no ba ka go seemo seo bjale. Gona ge morafe wo, goba moloko wo, a ke re, o le ka mokgwa wo, wa go latela o tla tšweletša eng? Gona ge go ka ba le wo mongwe, gabaneng, morafe ka moka wa batho, ge o tšwelapele o eya ka tsela ye o lego, o tla fedišwe, gohlegohle, gobane re ipolaya renabeng le go bea mehlala go ba bangwe.

²² Gomme ebile le Bakriste lehono, ba ba tleleimago go ba Bakriste, le go kgoga le go nwa, le—le go radia, le go hwetšwa go se boteg. Ge re... Gobaneng, ga go makatše gore Bokriste bo ka go bjo bongwe bja boemo bja tlase bja bjona ka nako ye. Ke khuetšo yeo batho ba kereke ba—ba e beilego godimo ga banna bao ba sešogo ba amogela Kriste. Banna ba nyaka go boloka bopaki bja bona gomme ka gona ba phele ka tsela ye nngwe le ye nngwe ba nyakago.

²³ Eupša ke ka lebaka leo Moya wo Mokgethwa ke *tshwanelo* ya—ya nnete kudu go letšatši le, gobane Ke Yena yoo a phelago bophelo bja gago. Ga o bo phele wenamong. Ke Kriste ka go wena, gona, morago ga ge o amogetše Moya wo Mokgethwa. Gomme, gomme ge A se ne bolaodi mo bophelong bja gago, gona o no elelwa, ga se o amogele Moya wo Mokgethwa. Ka gore, ge A le ka go wena, O tla phela Bophelo bja Gagwe Mong. Ga o sa le wa gago mong. “O hwile, gomme bophelo bja gago bo utilwe ka go

Modimo, ka Kriste, le go tswalelelwa ke Moya wo Mokgethwa.” Kafao ga go tsela le gannyane go wena go se be wenamong gape, se o bego o le.

²⁴ Bjale, mošemane yo moswa yo, re hwetša ntle, o, be a na le yo mobotse, motswadi wa bomodimo le tlhahlo, e... Ge tatagwe a ehwa, ge a be a le feela mengwaga ye lesometshela bogolo, gomme batho ba mo tšere gomme ba mo dira kgoši. Gomme o tlile godimo ga terone ya maatla ge a be a no ba bogolo bja mengwaga ye lesometshela. Gomme ge o ka bala bophelo bja gagwe, o be a se a huetšwa ke dipolitiki tša naga ya gab. Ga—ga se a tsee kgopoloy a go tsebalega. “O nyakile ka morago ga Modimo,” Beibele e boletše.

²⁵ Bjale, seo ke, seo e bile se se mo dirilego mohlala wo mogolo go moprefeta yo moswa yo, ka nako ya go swana, Jesaya. Jesaya moprefeta o phetše matšatšing a Usia kgoši. Gomme bobedi bja bona ba le baswa mmogo, moprefata le kgoši, ba be ba le bakgotse ba bagolo mmogo. Gomme Jesaya o dutše mo paleising, gomme o itshamile godimo ga letsogo la kgo—la kgo kgoši. Gomme re hwetša gore khuetšo ya moisa yo moswa yo e hueditše Jesaya. O bile mogale go—go Jesaya, gobane (o be a le) ga se a dire diphapano ka go batho, ga se nke a dumelela e ka ba eng go mo fapoša go tloga lehlakoreng le tee go ya go le lengwe. O be a ikemišeditše go hlankela Modimo, gomme go hlankela Modimo a nnoši. Gomme yoo ke motho wa go loka go tšea mohlala wa gagwe. Mo...

²⁶ Gomme re hwetša gore ga se nke a itšimeletša ka le ge e ka ba ofe wa mafase a bohetene, lefase la bohetene; morago ga ge ba mmone a aga mmušo wa gagwe wo mogolo kudu, gomme Modimo o be a na le yena le go mo šegofatša.

²⁷ Gomme Modimo o tla šegofatša motho e ka ba mang yoo a tla dulago le Lentšu la Gagwe. Bjale, seo ke, Modimo o tlamegile go dira seo, go šegofatša motho e ka ba mang yoo a tla dulago le Lentšu la Modimo.

Bjale re bona gore Jesaya ka kgontha o ratile kgoši ye.

²⁸ Gomme ka gona mmušo wa kgoši wa phatlalala. Ke a thanka o be a le kgauswi le Salomo, ka mmušong wa gagwe, gobane khuetšo ya gagwe e fihlile tsela yohle tlase ka Egepeta.

²⁹ E be e le thušo ye kgolo go Jesaya, moperfeta yo moswa, go bona gore monna mang kapa mang yo a ka tšeago go emela Modimo, gomme go sa kgathale ka dipolitiki goba e ka ba eng gape, o tla dula thwi le Lentšu. Ka kgontha o be a le khuetšo go moperfeta, Jesaya. Moisa yo moswa yo, ka fao Modimo a mo šegofaditše, gobane o dutše go rereša go Lentšu.

³⁰ Bjale re hwetša gore kgoši ye, oo, e dirile boka Bakriste ba bantši ba lehono. Ge feela a dutše go kokobela, gona Modimo o mo šegofaditše. Eupša Beibele e boletše fa, gore, “Ge a iphagamišitše.” Ge a hweditše se sengwe le se sengwe go lotega,

gona o ile a kukelwa godimo ka go yenamong, gomme nako yeo o be a le tseleng ya gagwe go tšwa.

³¹ Bjale, seo se bjalo, ke lehono, le—le dikereke. Ka mehla go bile, gore ge banna ba ikwela gore ba ba go lekanelo, ga ba swanelo go rapela gape, ga ba swanelo go letela Modimo bakeng sa bodiredi bja bona.

³² Ge le ka swarela tlhagišo ye, ke dumelelana le mongwadi tsoko, gore seo ke se se hlotšego bontši bja banna ba bao ba bilego ka go ditsošeletšo tše tša letšatši la moragorago, goba tsošeletšo ye ya letšatši la mafelelo, go—go fofa diripana. Ba bangwe ba bona ba hweditše ba tleleimilwe go tagwa ka phuluphithing ya bona, gomme—gomme ba bangwe ba bona ba dirile phošo. Ke ka gobane ba—ba ne khuetšo e bjalo go batho go fihla ba thoma go ikwela gore ba a lekanelo bonabeng, gore woo ke mmušo wa bona wo monnyane, gomme ba ka kgona, ba na le batho bjalo ka go swareng ga bona gore ba kgone go no dira e ka ba eng ba nyakago, gomme batho ga ba e hlokomele. Eupša Modimo o a e hlokomela, le a bona, yoo ke Yena. Nka no re... Go swana le Nebukadinetsara, letšatši le lengwe, o sepeletše ntlo gomme a re, “Lebelelang ke mmušo wo mogolo ofe ke o agilego,” gomme ka gona Morongwa wa Morena o mo iteile.

³³ Gomme ge monna goba mosadi, ga go kgathale ge eba ke pišopo goba mokadinale, goba e ka ba eng a ka bago, ge o thoma go ikwela gore o itshepetše wena, gona bokaone o thome go šetša le go hlokomela. Gobane, Modimo a ka se go tlogele wa ya ka mokgwa woo, gobane A ka se abelane letago la Gagwe le e ka ba mang. Aowa, mohlomphegi. Modimo o tsea letago, a nnoši.

³⁴ Dinako tše dingwe Modimo a ka šegofatša monna le go mo fa bodiredi bjo bonnyane bjoo mohlomongwe bo lego bokaonana gannyane go phala baena ba gagwe, goba e sego bokaonana, eupša feela se sengwe go fapano gannyane go tloga go baena ba gagwe. Gomme selo sa pele le a tseba, monna o a phagamišwa, ka sefega sa gagwe ntlo, gomme, oo, nna, o tla dira, o tla go phumula go tloga mokgotheng. Gomme, yeo, yeo ke nako ye ke dumelago gore motho o thomile go tšwa mojako, ka gore Modimo a ka se kgone go šomiša motho wa go swana le yoo.

³⁵ Kgoši ye, le ge a le monna wa bomodimo bjalo ka ge a be a le, o ile a ikwela go lekanelo ka boyena. O ikwetše gore o be a kgona go iphaphasediša yenamong ka boikgantšho, gore o be a ka kgona go no tsea taolo le go dira e ka ba eng a nyakilego, ga a gona gape a bego a swanetše go mmotšiša.

Eupša, elelwang, ka mehla re ka tlase ga Modimo. Modimo ke Modimo wa rena.

³⁶ Gomme re hwetša, o ile a kukegela godimo, gomme o—o ile a kukegela godimo kudu go fihla a gopola seo, gobane o be a ‘šegofaditšwe ke Modimo,’ o be a kgona ‘go tsea lefelo la

modiredi,’ kafao o tšere moruswi gomme o ile ka gare go tšea lefelo la modiredi. O tšwile lefelong la gagwe la mošomo.

³⁷ Seo ke se ka mehla ke se boletšego go Banna ba ba Kgwebo ba Full Gospel, “Le se tsoge la leka go ba bareri.” Bareri ba ne nako ye thata go lekanelo go otlolla selo. Gomme ka gona re dira mošomo wa go šokiša kudu go tšwa go wona gomme ka gona ka go ikgetha wa tšea rakgwebo yo a sego a bile a biletšwa mošomo le gatee. Le a bona, ge o dira seo, o gata go feta mellwane ya gago.

³⁸ Gomme le ka no tšea thuto bakeng sa se. Go na le batho ba bantši ntle, ebole le ka phuluphithing bošegong bjo, ba a rera, bao ba sega ba swanela go ba ťao, gobane ke bontši bja thekethe ya dijo, goba go tsebalega magareng ga batho, goba—goba go ba le—le—le gannyane go feta yo mongwe gape a nago, goba go ba le tumišo e se kae ka yo mongwe a go phaphatha magetleng, goba se sengwe. Le a bona, dinako tše dingwe ba ba moprista.

³⁹ Jesu o rile, “Le ja dintlo tša bahlologadi, le go hlologela ditulo tša godimo, le, bakeng sa pontšho, go dira dithapelo tše telele.” O rile, “O tla no amogela tshenyego ye ntši ya yona.” Le a bona?

⁴⁰ Ga—ga ra swanela, ga re tsoge, go fihla go lefelo lela. Re swanetše ka mehla go elelwa gore Modimo o re nyaka re kokobetše. Tsela ya go ya godimo ke fase. Ikokobetše wenamong, gomme o phagamišitšwe. Gomme ge o iphagamiša wenamong, o tla tlišwa go kokobetšwa.

⁴¹ Bjale re hwetša gore moisa yo o lekile go tšea lefelo la modiredi, le a bego a se na le maswanedi.

⁴² Efela, Modimo o mo šegofaditše, o be a le monna yo mogolo. O matlafaditše mmušo wa gagwe kgahlanong le ditšhaba tšohle tša lefase. Ba be ba tliša letagong ka gare le go mo fa lona, le dinku le dikgomo. Gomme o be a na le badiši, le morara—bahlokemedi ba serapa sa morara le, oo, se sengwe le se sengwe. O be a phela ka manonganongo, nako yeo a thoma go ikgogomoša.

⁴³ Re hwetša gore le kereke, kereke ya selegae e ka kgona go kokobela le go ba le le—le lefelo le lennyane le direla Morena ka therešo ya pelo; le go ba dira ba hwetša bokaonana gannyane, yo mongwe a ba thuša gomme ba hwetša ke—ke kereke ye kaone, goba ba tla leka go e dira ye kaonana gannyane go feta ye tee tlase khoneng, gomme ka gona phuthego e sepela go dikologa ka sefega sa bona ntle. Seo, le a bona, re—re swanetše go elelwa, seo ke selo sa phošo.

⁴⁴ Modimo o boditše Israele, “Ge o be o le, Ke go hweditše ka tšhemong, o be o tletše madi,” gomme seemo e bego e le ka go sona, “gomme ka gona ge o fepša, gomme—gomme wa ba yo mobotsebotse, ka gona e . . .” o ile a retolla magetla a gagwe go Modimo, gomme a be—. . . a raloka karolo ya—ya seotswa, gomme

a laletša yo mongwe le yo mongwe go mmona. Gomme re a bona gore Modimo ga se a thabišwa ke seo le gatee.

⁴⁵ Gomme ebile ye kgolo ye, kgoši ye maatla ya Israele mo, ge a lekile go itirela yenamong go tsea leemo leo a sego... a bego a se a beelwa go lona. Gomme re hwetša ba—ba baprista mo, ba kitimela ka gare gomme ba mmotša, “Leo ga se lefelo la gago. Ga wa swanelo go dira seo, ka gore Modimo o gafetše banna ba se.”

⁴⁶ Oo, ge bodiredi bo ka kgona feela go fihla go lefelo lela, ba ba gafetšwego go tirelo! Ge banna ba ka kgona go lemoga gore go rera Ebangedi ga se go hwetša maloko a mantši ka kerekeng, eupša ke boineelo go mo—mo morero wa mošomo, gore re swanetše go ba le masea a maswa a go tswalwa ka Mmušong wa Modimo. Ga go kgathale ke kerekeleina efe ba yago go yona, goba go reng ka yona, e no ba go hwetša masea a sa tšogo tswalwa.

⁴⁷ Ka gona re hwetša gore lehono go bothata kudu ge re bona modiredi a tsogela godimo ka ye nnyane, mohuta tsoko wa tiragalo woo Modimo a o beilego ka go bodiredi bja gagwe. Re hwetša dikekišo tša senama tša seo, ba go fapano ba tla tla ka gare le go leka go—go re se ke, ba na le se, goba go dira selo se sengwe go fapano gannyane.

⁴⁸ Ke tseba ka monna ka lefaseng lehono, monna yo mokaone, le yena, monna wa go loka, moreri wa kgontha wa Lentšu, gomme ke—ke tla re ngwa—ngwa ngwanešu wa kgontha, gomme ke boletše le yena e se kgale botelele. Gomme o tšwetšepele a ne maikutlo, gomme o agile bodiredi bja gagwe go felela godimo ga maikutlo, bjale ba kolobeletša go Bophelo bjo Bosafelego, “batho ga ba ye go hwa.” Ke a boifa ba ntle go lekala gore ba ka se tsoge ba ba le tsela go boela morago go tloga go leo, le a bona, eupša gobane yeo ke phošo.

⁴⁹ “Monna yo a tswetšwego ke mosadi ke wa matšatši a se makae, gomme o tletše mahloko, mathata.” Gomme ba ba phelago ba a tseba ba swanetše go hwa. Gomme re a tseba, “Go kile gwa fiwa motho go hwa, gomme ka morago ga fao kahlolo.” Kafao, re a tseba gore re swanetše.

⁵⁰ Ga ke nyake go phela ka go ntlo ye ya dilomi ya kgale ye ke bego ke phela ka go yona. E swara bolwetsi bjo bongwe le bjo bongwe bo phaphamalago go kgabola. Ke nyaka wola o sa dirwago ka diatla, o hlamilwego ka morago ga Modimo, wola—wola ga se semela sa motswako bjalo ka wo. Ke nyaka wola o dirilwego ka diatla tša Modimo, wola malwetsi le bolwetsi le lehu di tlogago go ona. Bjale, neng le neng A mpitsago, ke—ke komana, ka mogau wa Modimo, go dumeleng gore, “Ge tabarenekele ye ya lefase e phušulwa, re na le ye nngwe e šetše e letile,” yeo re šuthelago ka go yona, yeo e ka se sa hwago.

⁵¹ O ka nyaka bjang go phela ka go ye? E sego nna. Nna ke... Re ya ka ntle ga yona, gomme ke e thabetše. Gomme motho yo

wa go tšofala, molaba wa twatši woo re phelago ka go wona, molaba wa lehu le eng gape, ke metsetlo le dihlabi ka go wona, le botšofadi. Gomme, gobaneng, nna, ke mang a ka nyakago go dula ka mmeleng ka mokgwa wola? Ke, ke thabile go na le o mongwe o tlago. Re na le mmele woo—woo o lokišeditšwego rena, ka Letagong. Gomme ka pela ge bophelo bo tlogela legapi le la kgale fa, Moya wola wa Gosafelego wa Modimo woo o phelago ka gare, o tšeа leeto la wona go ya ka go tabarenekele yela mošola, gomme fao o phela Gosafelego. Gobaneng re ka nyaka se sengwe boka wo? Nna! Ee, mohlomphegi. Oo, ke—ke thabile kudu gore, gore fao, gore go ne Modimo Yo a dirilego dilo tše tšohle go ba pepeneneng.

⁵² Gomme re lebelela fa, re a bona ba no ba moriti, go le bjalo. Re moriti. Ke lebelela fa mo sefaleng, go bona banna bao ba sepelago, gomme ke lebelela ntle mo mokgotheng le go bona banna le basadi bao ba sepelago. Ba na le bophelo, eupša go le bjalo bo ka se kgone go ba Bophelo bja nnete, ka baka la gore ke lehu ka go bjona. Gomme—gomme Dafida o rile, “Ke tla sepela go kgabola moedi wa moriti wa lehu.” Bjale, go tšeа seetša se sentši bjalo go dira moriti. Go swanetše go ba seetša se sentši bjalo. Ge ka moka e le leswiswi, e ka se kgone go dira moriti. Le a bona? E swanetše go ba seetša se sentši kudu, ka leswiswing, go e dira moriti. Gabotse, bjale go ya le gore ke lefe le tee la mahlakore ao o itshamilego ka lona.

⁵³ Ge ke bona monna a sepela, lesogana la go bogega bokaone; mo mengwageng e se mekae, šetšang moriri wa gagwe o fetoga wo mopududu le go ngwegela ntle, magetla a gagwe a kobega. Mosetsana yo moswa yo mobotse a eme, ka sa go kgethega, sefahlego sa bomodimo godimo ga gagwe, le go ema le go tumiša Modimo; gomme ke tla morago ka go mengwaga e se mekae le go mo hwetša ka magetla a go kobega, a kukile bana ba babedi goba ba bararo. Gabotse, nna, fao, go laetša gore ka mmeleng wola go na le lehu. Ga go kgathale ke gabotse gakaakang le go lebega go ratega gakaakang, go sa ne lehu ka go ona.

⁵⁴ Bjale ke šetša ke tsela efe moya wola ka fale o sekametšego. Ge ka mehla o emela Seetša, o bolela ka Seetša, o bolela ka Seetša, o tla ya le Seetša. Eupša ge ka mehla o le ka lehlakoreng le lengwe, la lefase, dilo tšeа lefase, o hueditšwe ke lefase, ga go selo eupša o retologela go leswiswi ge o ehwa, ka go leswiswi la kgotlombo. Kafao le a bona, se re lego, re swanetše go elelwa gore re no ba se re lego ka mogau wa Modimo, gomme ga go yo motee wa rena a ka kgonago go ikgantšha ka wona. Re ka kgonaa feela go khunama ka go boboela le boikokobetšo, pele ga Modimo, le go fa tumišo go Yena bakeng sa botho bja Gagwe.

⁵⁵ Gomme re hwetša gore ge feela kgoši ye e ikwetše ka tsela yela, Modimo o mo šegofaditše. Eupša ge a fihlile lefelong moo a nyakilego go se dule ka go pitšo ya gagwe mong, o be a nyaka go tšeа pitšo ya se sengwe gape. Gomme o naganne, ka lebaka la

gore Modimo o mo šegofaditše, gore seo se be se lokile, o kgonne go dira seo.

⁵⁶ Eupša re dira tšona diphošo bjang! Bjang, go befile bjang! Wena, o swanetše go botega ka go felela. Ga wa swanela, ga wa swanela go dira selo ntle le ge Modimo a go šupeditše go yona, le go e netefatša, le go e hlatsela, gomme o a tseba gore ke Modimo yo a e dirilego.

⁵⁷ Ka mehla, monna wa Modimo, Modimo o swanetše go mo rakela fase le go swara monna wa kgonthe wa Modimo. Ga se mathaka ao a nyakago bontši ka moka bja se sengwe go dira bontši ka moka ka sona, le ka thata go bolela se ba tla se dirago ka yona ge ba e amogetše. Le a bona? Eupša Modimo ka mehla o swanetše go swara monna wa Gagwe, bjalo ka Moshe, le Paulo, le ka mokgwa woo, go mo kitimišetša tlase, go hwetša letago go tšwa bophelong bja gagwe, le go mo tlogela a be mogolegwga go Moya wo Mokgethwa.

⁵⁸ Bjale re ela hloko gore, kgoši ye, gomme selo se sengwe re ithutago fa go Usia, gore, ge a bileditšwe tlase ke monna yo a bilego le maatlataolo go tšeela moruswi ka gare, monna yo a gafetšwego bakeng sa tirelo. Ge a mmileditše fase, o mmefeletše.

⁵⁹ Oo, a se—a selo sa go rogakwa se tla bago! Ge monna a leka go šupetša moisa gore o phošong, le go e netefatša go yena ka Lentšu la Modimo, “O phošong.” Gomme ka gona monna, ka baka la gore o ikwela ka go yenamong o tla dira se a nyakago go se dira, gomme a ka se ineele go Lentšu, gona o a befelwa.

⁶⁰ Le ela hloko se se diregilego go kgoši? Lephera le tšweletše ntle ka sefahlegong sa gagwe ge a be a sa le ka pefelong ya gagwe. Lephera le rathile Usia mo sefahlegong, gomme baptista le bale ba le lemogile, gomme ba mo lahlela ka ntle ga tempele, gomme a hwa, molephera. Bophelo bjo bogolo bjola bo thomilego gabotse kudu, bo fedile go ba molephera, le go lahlelwa ntle, gomme a swanela go phela ka ntlong ye e aroganego go yenamong, matšatši ohle a bophelo bja gagwe, monna yo Modimo a kilego a mo huetsa.

⁶¹ Ke tla bolela se, ditlhompho. Re na le banna lehono mo tšhemong, masogana, le banna ba mengwaga ya magareng, le bakgalabje, ba ba thomilego ntle ka mokitimo wo mobotse, le go leka, le go dira taetšo ye botse go Modimo. Eupša re a ba hwetša, lehono, ntle mošola, digatamorokwana, le go hlakahlakana, ntle kua ka go ye nngwe, kgole go tloga go rena. Ba bangwe ba bona ba kgelogile, gohlegohle. Ba bangwe ba bona ba gafiswa ke tšelete, gomme ba bangwe ba gafiswa ke basadi le go nyala basadi ba bangwe bao ba bego ba se basadi ba bona. Gomme—gomme dilo tšohle le kgobogo ye e tlišitšwego godimo, kerekeleina ye nngwe le ye nngwe. Rena, yo motee a ka se kgone go bitša yo mongwe yo mobe, ka gore bohole re na le molato, ka moka, goba kerekeleina ye nngwe le ye nngwe. Re hweditše

banna boka bao, bao ba kilego ba huetšwa ke Modimo gomme ba bile le khuetšo ye kgolo go batho. Gomme efela ge ba ikwetše go lekanelia seng . . .

⁶² Ge motho a hwetša lefelo moo a ka huetšago bakeng sa Modimo, o swanetše go ikokobetša yenamong, nako yohle, kgafetšakgafetša.

⁶³ Gomme re hwetša, kgoši ye e hwetše kgobogong, molephera. Ka gona, o be a le thuto go moprofeta yo moswa, e sego go bea dikhofelotša gagwe godimo ga monna e ka ba mang, eupša go lebelela go Modimo a nnoši. Ge a thoma go lebelela go monna bakeng sa mohlala, monna yo o paletšwe, go le bjalo e le monna wa go loka.

⁶⁴ Kafao ke thuto go rena, bošegong bjo, go bea menagano ya rena godimo ga Modimo, go sa kgathale se motho a lego. A nke a be mokadinale, moprista, moprofeta, e ka ba eng a ka bago, ga se a hlabelwe kgahlanong le diphošo le—le phošo, le ebile lehu, le sebe. Eupša go na le Yena Yo a lego, gomme yoo ke Jesu Kriste; Ke Yena.

Ka se, Jesaya o ithutile thuto, Modimo o laela monna wa Gagwe go bea.

⁶⁵ Monna ga a ne tokelo go emelela le go re, “Gabotse, ke tla dira go phela bonolo ge ke be ke le modiredi. Ke a dumela ke tla ithuta bodiredi. Ke a dumela ke tla dira *se, seo, goba se sengwe*. Ke a dumela ge nka kgona go ekiša mpho ye yeo Modimo a e filego, e tla . . . Ke tla ba le masolo a magolo, le go ya pele.” Re bona bontši kudu bja seo lehono.

⁶⁶ Eupša ge o hwetša, Jesaya o hweditše thuto fa, gore Modimo o bea motho wa Gagwe, Yenamong. Modimo o dira peo, gomme ga se nke A dira monna yo moprista. O mo dirile kgoši, gomme o swanetše go dula a le kgoši. Ga a swanela—a leke . . . Jesaya o ithutile mo gore ga wa swanela go leka go tšeа lefelo la monna yo mongwe.

⁶⁷ Ka gona ge a bone gore mogale yo mogolo wa gagwe o tlie go kgobogo ye gomme a ya tlase le go hwa, Jesaya o ikwetše nako yeo botse kgaušwi dikhofelotšole go yena di be a di ile, kafao o ile tlase tempeleng letšatši le lengwe go e bolela godimo le Morena, gomme fao ke mo pono e diregilego. Ka tempeleng, o bone Yena yo a bego a swanetše go be a mo lebeletše nako yohle. Ka tempeleng, o, bone, ka ponong, Modimo a dutše godimo ga terone, a phagamišitšwe kgole ka Magodimong, gomme morumo wa kobo ya Gagwe o be o na le Yena. Pono ye o e bone, godimo, a phagamišeditše godimo, terone ya Gagwe, godimodimo ga pušo ye nngwe le ye nngwe ya lefase. Modimo, yoo ke Yena a bego a swanetše go mo lebelela, ge a be a le ka ponong.

⁶⁸ Gomme gona re ela se hloko, gore Barongwabatuki ba Legodimong ba be ba fofela morago le pele, ka tempeleng. Bjale, Barongwabatuki, gabotse lentšu la Sehebere fao ke *Batšumi*.

Ba be ba le Yena Yo a neetšego diorelo le sehlabeledo. E no ba lenaneo la godingwana la Barongwa, leo—leo le dirago tsela bakeng sa modiradibe, ge feela go ne sehlabeledo. Gomme Barongwabatuki ba, ka go ikgetha, Batšumi ba ba bile le ofisi ya go ikgetha, Ba dutše thwi ka Bogoneng bja Modimo. Ba swana le Bakerubi, gomme Ba be ba le thwi ka Bogoneng bja Modimo.

⁶⁹ Gomme ge moprofeta yo a ikwetše Moya wa Modimo go yena, gomme, o butše mahlo a gagwe. Le a bona, o be a tswaletšwe bakeng sa morero woo kudu, gore ge a butše mahlo a gagwe, go be go swana le go rothela go tloga mo go ya ka nageng go swana le ge a be a lora, gomme o bone terone ya Modimo e phagamišitswe godimo kudu. Gomme nako yeo o lebeletše ka tempeleng, gomme Barongwabatuki ba ba be ba eya morago le pele, go kgabola tempele, ba goeletša, “Mokgethwa, mokgethwa, mokgethwa, ke Morena Modimo! Mokgethwa, mokgethwa, mokgethwa, Morena Modimo!”

⁷⁰ A phetogo, gomme a khuetšo ye e swanetšego go ba e bile godimo ga moprofeta yo moswa yo! Ge a bone go šitwa ga motho, gomme le ge banna ba go loka ba ka šitwa, eupša bjale o bona Modimo, gomme o bone Barongwabatuki ba.

⁷¹ Gomme hlokamelang seapsešo sa go ikgetha seo Barongwabatuki ba ba bilego le sona. Ba be ba apešitšwe ka diphego tše pedi godimo ga sefahlego sa Bona, diphego tše pedi godimo ga maoto a Bona, gomme Ba be ba fofa ka diphego tše pedi. Modimo ka go felelela ke yo mokgethwa. Naganang ka yona, ebile le Barongwa ba swanetše go khupetša sefahlego sa Bona se sekgethwa, go ema ka Bogoneng bja Modimo.

⁷² Ke a makala, ngwanešu wa ka, ke a makala, kgaetšedi wa ka, ge re ka lebelela go seo! Ge, Barongwa ba bakgethwa ba swanetše go khupetša sefahlego sa Bona, go ema ka Bogoneng bja Modimo, ka tlhomphokgolo le ka tlhompho. Eupša lehono re hwetša batho ba ba ipišago Bakriste bonabeng, ebile, ga ba ne tlhompho le gannyane go Modimo, goba Lentšu la Gagwe, goba batho ba Gagwe, goba bodiredi bja Gagwe, goba selo. Ba ya go tla kae godimo ka tsogong? Beibele e rile, “Ge moloki a tla phološwa ka bothata, modiradibe le mohlokamodimo ba tla tsoge ba tšwelela kae?”

⁷³ Gomme ge, Barongwabatuki, lenaneo la godimodimo la Barongwa, thwi hleng le Setulo sa Kgaogelo, Batšumi ba sehlabeledo, ba ile ba swanela go khupetša difahlego tša Bona tše kgethwa, go ema ka Bogoneng bja Gagwe, gomme Ba be ba le mo. Modimo a dutše godimo fale mo teroneng ya Gagwe, le Bakerubi ba ba yago morago le pele, ba goeletša, mosegare le bošego, “Mokgethwa, mokgethwa, mokgethwa, ke Morena Modimo!” A le tseba se ke se rago? Elang hloko. Bona, diphego tše pedi, Ba khupeditše difahlego tša Bona. Gomme gobaneng?

⁷⁴ Re ela hloko lehono, gore, ka baka la gore batho ba...ga ba na le tlhomphokgolo. Ba tla tla kerekeng, batho ba tla tla kerekeng, le—le go ripa, le go sega, go bolela, go dira metlae, ba dutše moo Ebangedi e rerwago, ga go tlhomphokgolo le gatee. Gomme ba kopana le wena mo mokgotheng, gomme ka...Ga o letele ditlhompho tše itšego go tšwa go batho; ga ra swanela go dira seo. Eupša go le bjalo go—go laetša seriti sa Bokriste go bonnyane go hlompha batho, wa re, “Moso wo mobotse, ngwanešu,” goba e ka ba eng o e kganyogago. Ba bangwe ba bona ba goelela, “Halo, Rera!” Oo, seo se tlwaelegile kudu.

⁷⁵ Elelwang, Jesu o rile, “Bjalo ka ge le dira go ba, le e dira go Nna. Yo a Nkamogelago, o amogela Yena yo a Nthomilego. Gomme yo a amogelago Yena yo Ke mo romilego, o amogela Yena. Le a bona, bjalo ka ge le dira go bona, le e dirile go Nna.”

⁷⁶ Gomme go hloka tlhomphokgolo, le tseba se e lego? Ke... Ga ba lemoge Bogona bja Modimo. Lefase le tlide la ba la go tlwaelega kudu—la go tlwaelega kudu, gomme bodumedi bo tlide bja ba bja fasefase kudu, go fihla fao go se ditlhompho, feela bjalo ka ge go bile ka mehla.

⁷⁷ Lebelelang wona mašole. Re ka kgona go nagana, bošegong bjo, a lefeela le selo sa go šiša se bileygo go mašole ale go bea le—le lešela godimo ga sefahlego sa Morena wa rena Jesu, go dira metlae ka Yena go beng Moprefeta le go kgona go tseba diphiri tša pelo. Ba beile le—le lešela godimo ga sefahlego sa Gagwe, le go Mmea ntle kua ka go jarata ya kgorotsheko, gomme ba tšere lepara gomme ba Mo ratha hlogong ka lona, gomme ka gona a e fetisetša yo motee go yo mongwe, gomme a re, “Ge O le moprofeta, profeta bjale, re botše yo motee wa rena yo a Go iteilego.” Le a bona, ga go ditlhompho le gatee. Ga se ba kgona go ikwela bokwala.

⁷⁸ Eupša mosadi yola yo monnyane, ka tumelo ya go lekanelo yoo a kgonnego go kgwatha kobo ya Gagwe, o hweditše ditlhologelo tša gagwe. Le a bona, re swanetše go ba, re swanetše go ba le letswalo ka Bogona bja Modimo.

⁷⁹ Dikwi tše nnyane tše tlhano tše re phelago ka go tšona, tše o no ba lefase le lennyane la rena beng. Le a bona? Eupša Modimo...Ke gore, re filwe feela tše gore re kgone go kgokagana le legae la rena la lefaseng. Eupša fao go dikwi ka godimo ga seo, dikgao tše dingwe.

⁸⁰ Gomme Modimo ka mehla o gona. Ge feela re ka kgona go elelwano seo. “Barongwa ba Morena ba bokanetše bale ba Mmoifago.” Ka moagong wo, bošegong bjo, go eme Jesu Kriste. Ka moagong wo bošegong bjo ke madira a Barongwa, dikete tša Bona ba kgobokane go dikologa. Ga le Ba bone, eupša le ka kgona go kwa khuetšo ya Bona, e le botša gore Ba mo. Ge go se bjalo, gona Lengwalo ga le bjalo. Gomme ge Lengwalo le se la loka, gona Modimo ga se a loka. Beibele e boletše, gore,

“Barongwa ba Modimo ba dikaneditše,” Ga ba tlogue, “Ba dula kgauswi le bao ba Mmoifago.”

⁸¹ Jesu o rile, “Kae kapa kae ba babedi goba ba bararo ba kgobokanego Leineng la Ka, ke tla ba magareng ga bona.” Ka gona seo se Mo dira lefaseng le re sa kgonego go le bona, leo dikwi tša rena tše tlhano di sa le kgomego. Jesu Kriste o mo, o gona. Ge re ka kgona go lemoga seo!

⁸² Gomme, elelwang, e sego feels fa, eupša ge o sepela go theoga mokgotha, e ka ba kae o lego, lena ba le ipolelago go ba badumedi le go boifa Morena, elelwang, Barongwa ba Modimo ba sepela le lena kae kapa kae le lego. Ba šetša se sengwe le se sengwe o se dirago, kgopoloye nngwe le ye nngwe ye e yago go kgabola monagano wa gago, gomme Ba tseba tšohle ka wena. Ka fao, re swanetše go lemoga seo.

⁸³ Ge re sa se lemoge, gona le itshwara ka tsela e ka ba efe. Kafao batho bontši kudu, lehono, batho ba bantši kudu, ga ba lemoge Bogona bja Morena Jesu, leo ke lebaka (bona) re na le dilo tše tseo re nago le tšona di kgatlampana bjale, tše di sa lokago.

⁸⁴ Ge re ka no dira boka Dafida a rile, “Ke beile Morena ka mehla pele ga ka.” Oo, ke rata seo. “Morena ka mehla o pele ga ka. Moo A yago, ke tla latela. Gomme ke a lemoga gore mogohle ke yago,” mantšu a mangwe, Dafida o boletše, “gore Morena o ya pele ga ka.”

⁸⁵ “Nka se go šie goba go go tlogela,” go boletše Jesu. “Bonang, Ke na le lena ka mehla, ebile go fihla bofelong bja lefase.” A ka se re tlogele. O tshepišiše go se ke.

⁸⁶ Ao ke ona maikemišetše a dikopano tše. Ao ke maikaelelo, baena ba ka, a go swara bodiredi bja ka ntle go tloga go dikerekemaina, ke go leka go dira batho ba bone gore Jesu Kriste o sa phela, gomme O fa, go modumedi yo mongwe le yo mongwe, go kerekeleina ye nngwe le ye nngwe ye e tla Mo dumelago... goba batho ka go dikerekemaina tseo. “Morena o pele ga ka,” Dafida o rile, “gomme nka se šuthišwe.”

⁸⁷ Elang hloko bjale, ka diphego tše pedi Ba bilego natšo godimo ga sefahlego sa Bona, go ema ka Bogoneng bja Modimo, gobane ke moo Ba diretšego.

⁸⁸ Gomme ge eba Ba ile ba swanelo go khupetše difahlego tše Bona tše kgethwā, go direla Modimo, moreri o swanetše a be motho wa mohuta mang? Ka fao re swanetše go khupetše sefahlego sa rena, ka dihlóng! Ka fao re swanetše go phela! Modimo ka go felelela ke yo mokgethwā. Re swanetše go lemoga, nako yohle, go elelwā seo. Ka ntle ga mogau wa Modimo, re badiradibe ba go ponoka, eupša Madi a Jesu Kriste a re hlwekiša go tšwa sebeng.

⁸⁹ Bjale Ba bile le diphego tše pedi godimo ga maoto a Bona. Seo se emela boikokobetše.

⁹⁰ Bjalo ka Moshe, Moshe o be a se kudu ka boikokobetšong go fihla a kopana le Modimo ka sethogweng sela se tukago. Eupsa ge ka therešo a bone gore yoo e be e le Modimo, gomme ka gore Seetša se se boletše lentšu la tshepišo. A le a e hwetša? Ba tsebile, gomme Moshe o tsebile, gore nako e be e batametše bakeng sa tokologo ye. Gomme mo go tla Sephedi sa kagodimogatlhago fase, gomme sa boeletša, gomme sa re, “Ke elelwa tshepišo ya Ka go Abraham, Isaka, le Jakobo.” Gomme Moshe o rotše dieta tša gagwe, boikokobetšo, motheo wa gagwe ka moka. O rotše dieta tša gagwe.

⁹¹ Paulo, ge a bone Morongwa yola wa go swana wa Seetša ka godimo ga gagwe, gomme o se biditše “Morena,” o wetše leroleng la lefase. O lemogile. Boikokobetšo, “Ga ke sa le!”

⁹² Ga go makatše Jesaya a kgonne go goelela, “Wa madimabe ke nna, gobane ke bone Morena Modimo wa mašaba.” Efela, a le moprofeta!

⁹³ Gomme go le bjalo, Paulo, ka go ba monna yo mogolo, serutegi, eupša ge a etla ka Bogoneng bja Modimo, o ikokobeditše ka boyena.

⁹⁴ Gomme ge Moshe a etla ka Bogoneng bja Modimo, o ikokobeditše ka boyena. O be a le moprofeta. O hlomphile Modimo, Lentšu.

⁹⁵ Hlokamelang Johane Mokolobetši. Ge Johane a eme lešing, ka morago ga go kolobetša batho, o lebeletše ntle gomme o bone Seetša sela sa go swana se fologa go tšwa Legodimong. O goleeditše, “Bonang Kwana ya Modimo yeo e tlošago sebe sa lefase.” Gomme ge a ikokobeditše ka boyena, gomme Jesu a sepelela ntle ka meetseng, hleng le yena.

⁹⁶ Bjale potšišo še e botšištwe nna letšatši le lengwe. E ka no tla godimo ka monaganong wa gago. Ge Jesu a sepeletše ka meetseng, gomme Johane o rile, “Ke hloka go kolobetšwa ke Wena, gomme gobaneng O etla go nna?”

⁹⁷ Bjale, ngwanešu wa kgale wa Baptist, Ngaka Roy Davis yola, o be a fela a mpotša. O beile diatla tša gagwe godimo ga ka ge a ntlhomamišitše ka go kereke ya Missionary Baptist. O rile, “Billy, go diregile eng...” Ke mmotšišitše ka seo. O rile, “Sese se se diregilego. O a bona, Johane ga se nke a ke a kolobetšwa, yenamong, kafao Jesu o kolobeditše Johane. Gomme ka gona Johane o retologile go dikologa le go bowa, a kolobetša Jesu, gobane Jesu ga se a kgona go kolobetša Johane pele A kolobetšwa.” Gabotse, ke naganne seo se kwagetše gabotse.

⁹⁸ Eupsa letšatši le lengwe, e ka ba mengwaga ye mebedi ya go feta, ntle ka dikgweng moo ke bego ke dutše, Moya wo Mokgethwa o theogetše tlase, Seetša, gomme morago ke bone se se bego se le, ge A se utolotše.

⁹⁹ Bjale sese se e lego. Le a bona, go be go le batho ba babedi ba bohlokwa kudukudu lefaseng: go be go le Johane moprofeta; go be go le Jesu Mesia. Gomme bona, ba babedi, ba banna bao ba bilego le Molaetša wa letšatši, ba kopane sefahlego ka sefahlego ka meetseng, ge mahlo a bona a swarane seng. Gomme Johane, ka boikokobetšo, o rile, “Ke hloka go kolobetšwa ke Wena, gomme gobaneng O etla go nna?”

¹⁰⁰ Jesu o rile, “Lesa seo se be bjalo.” Yeo ke nnete. “Eupša go re swanetše, goba go re swanetše...” *Go swanetše go ra “go swanelo.”* “Go re swanetše gore re phethagatše toko yohle.” Gobaneng? Jesu go beng Modimo; Johane go beng moprofeta. Ka pela Jesu o tsebile ge A boletše seo, Johane go beng moprofeta yo Lentšu le tlago go yena, o tsebile o tla e kwešiša. Ka baka la gore, sehlabelo, go ya ka molao, se be se swanetše go hlatswiwa pele se neelwa. Gomme Jesu o ile a swanelwa ke go kolobetšwa pele a neelwa. O rile, “Lesa go be bjalo bjale. Yeo ke nnete. Gobane go re swanetše, go re swanetše, go phethagatša toko yohle.”

¹⁰¹ Oo, ge re ka kgona go tsea seo bakeng sa sehlogo lebaka la metsotsa e se mekao! Gore re a bona lehono, bjalo ka—bjalo ka badumedi ka go Seetša ka go iri ye re phelago ka go yona, go re swanetše gore re phethagatše toko yohle. Go swanetše go kereke ya pentecostal, gore re phethagatše toko yohle, go boneng gore re biditšwe ke Moya wo Mokgethwa. Ga gwa swanelo gore re ikaroganya renabeng go tloga go baena ba bangwe. Ga gwa swanelo gore re itire kerekeleina renabeng gomme re ka se be le selo gape go dira le ngwanaborena yo a amogetšego Moya wo Mokgethwa go swana le ge re dirile. [Lefelo la go se be le selo godimo ga theipi—Mor.] Ga gwa re swanelo. Ge re bona Modimo a sepela le go diragatša, le go dira tlwa se A se boletšego, gomme ka gobane motho ga se a kgomagana le mokgatlo wa rena, gore re hloka maitswaro renabeng, seo ke go se kgahlise. Ga se sa loka.

¹⁰² Re swanetše go ba Bakriste. Re swanetše go ba bakgomana. Re swanetše go ba batho le banna ba go boifa Modimo. Re swanetše go lokela go fihla go kgabaganya le go fa monna e ka ba mang go šišnya seatla, le go otlolla lepai ka lehlakoreng la gagwe la mpete, le lona. Ee, ka gore go re swanetše go phethagatša toko yohle. Bjale re tseba...

¹⁰³ Seo ke ka baka la gore O be a le Sehlabelo. Gomme Johane o e tsebile, ka baka la gore o bone Seetša sela godimo ga Gagwe. Gomme Johane o ikokobeditše ka boyena, e le monna yo mogologolo go fihla iring yeo. Eupša ge a bone Morena Jesu yo mogolo yo a etla, o rile, “Ke hloka go kolobetšwa ke Wena.”

¹⁰⁴ Eupša ge A mmoditše, “Go swanetše gore re phethagatše toko yohle.”

¹⁰⁵ Ka gona Johane a retologa, a tseba, bjalo ka mohlanka wa Modimo, bjalo ka moprofeta, o swanetše go phethagatša Lentšu la iri yeo, ka baka la gore o be a tseba gore Seo e be e le Sehlabelo.

O be a sa tšwa go bolela bjalo, “Šeo e etla Kwana ya Modimo, Kwana ya sehlabelo ye e yago go tloša dibe tša lefase.” Gomme Kwana e ile ya swanelwa ke go hlatswiwa ka legopong pele e neelwa go moprista. Amene.

¹⁰⁶ Go re swanetše gore re phethagatše toko yohle, ge o tšeа Leina la Jesu Kriste. A nke monna yo mongwe le yo mongwe goba mosadi, yo a tšeago Leina la Jesu, a tloge go tšwa sebeng.

¹⁰⁷ Maipolelo a rena lehono a thomile go tla feela boka ga—ga ga ke tsebe eng, nyepo tsoko goba se sengwe. Re ya tlase le go rapela thapelo e ka ba metsotso ye mebedi botelele, le go ya morago godimo; wa dira se sengwe sa phošo, o re, “O Morena, O a tseba ke be ke sa re go dira seo, eupša, haleluya, ke gabotse,” o ya pele. Aowa, yeo ga se yona, ngwanešu.

¹⁰⁸ O swanetše go ba maswabi a bomodimo. O swanetše go ipolela selo seo. O swanetše go se lokiša. O ka se kgone go e dira . . . Jesu o rile, “Ge o eya aletareng, elelwa ngwanešu o na le taba kgahlanong le wena, eya go yena pele pele o neela mpho ya gago fa, boelanywa le ngwaneno.” Le a bona? Go re swanetše, go rena, gore re phethagatše toko yohle.

¹⁰⁹ Gomme lena basadi ka wo mokopana, moriri wa go kotwa, a le a tseba ke eng? Go swanetše go wena gore o tlogele moriri wa gago o gole le go itshwara boka mohumagadi. Lena ba le aparago dišothi; di apoleng, aparang diroko. Go a le swanelia gore le dire boka Bakriste, yeo ke nneta, gobane Beibele e boletše seo ke phošo. Mosadi ga a swanelia go dira seo.

¹¹⁰ Gomme lena banna ba le kgogago sekerete, seo ga sa swanelia. Gomme lena banna bao le dumelelago basadibagatša ba lena go dira seo, gomme morago le re le “barwa ba Modimo,” monna?

¹¹¹ Ye kgolo, keno ye kgolo ye e tšerwego go tirelo ya lenyalo, “lerato, tlhompho, le go obamela,” e ile. Ka Amerika, mosadi o na le tokelo ya tsela. Gabotse, mogohle a na le tokelo ya tsela. Beibele e rile o tla ba le yona ka tsela yeo.

¹¹² Ba bolela gore basadi ke baotledi ba go hlokomela kudukudu ba re nago nabo ka nageng. Seo ke phošo. Morwa wa ka le nna, re kgabaganya setšhaba, morago le pele, re boloka puku, gomme nako le nako ge go na le se re se bitšago go thula mo tseleng, ge e le monna re e bea ka fase ga monna, le mosadi ka fase ga mosadi. Gomme ka tlase ga go thula ga makgolotharo go kgabaganya setšhaba, go be go le makgolopedi masomeseswai tee a bona basadi.

¹¹³ Ba thekgile tša bona bjang? Ka lebaka la dipego tšeо di retološitšwego. Ka nneta, bona maphodisa ga ba ye go golega bona basadi ba go lebelelega botse ge ba na le nomoro ya mogala. Ba ka se ba golego. Ba ba lesa ba tloga, gomme leo ke lebaka.

¹¹⁴ Le a bona, le ba lefase la mosadi. Beibele e boletše gore go tla ba ka tsela yeo. Tlwa. Kafao moreri ka phuluphithing o no ba e

ka ba selo sa go swana, o boifa go bolela e ka ba eng kgahlanong le yona.

¹¹⁵ Eupša go re swanetše gore re phethagatše toko yohle. Go swanetše go bolelwa felotsoko. Ga o lebelele tumo ya gago le botsebalegi fa. Wena o—wena o mogolegwā wa lerato go Ebangedi ya Jesu Kriste, gomme o tlamegile. O mogolegwā go Yena, gomme o ka se kgone go bolela selo gape eupša se Moya wo Mokgethwa o se bolelago, le go rera selo se se lokilego. Therešo. O ba mogolegwā wa lerato go Yena. Ka gona ga o tshwenyege gore ke eng, o swanetše go phethagatše toko yohle. Modiredi o swanetše go bolela seo, lena batho ba Pentecostal gagologolo, bao—bao le tsebago bokaonana go feta—go feta go dumelela seo go feta ka mokgwā woo.

¹¹⁶ Bjale fa nako ye nngwe ya go feta, monna yo mogolo wa go tsebalega o tla go nna, o rile, “A o ka se tlogele bona basadi ba nnoši?” O rile, “Etla mo, ke nyaka go bea diatla godimo ga gago le go go rapelela, gore o tla ya pele, le go ya pele go rapelela balwetši.” O rile, “Gobaneng, batho ba go tsea bjalo ka moprofeta.”

Ke rile, “Ga se nke ka re ke nna moprofeta.”

¹¹⁷ O rile, “Eupša batho ba go tsea bjalo ka yoo.” O rile, “O swanetše go be o ruta bona batho mokgwā wa go hwetša dimpho tše kgolo tša semoya.”

Ke rile, “Seo ke se e lego bothata ka kereke lehono.”

¹¹⁸ O rile, “E sego go ba botša ka go ripa moriri wa bona, le *se, sela, se sengwe*. Ke . . .” O rile, “O swanetše go be o ruta bona tše kgolo, dilo tša godimo.”

¹¹⁹ Ke rile, “Nka kgona bjang go ba ruta dipalontshetshere mola ebile ba sa ithute diABC tša bona?” Yeo ke nnete.

¹²⁰ O swanetše go thoma felotsoko, ka fao eya tlase botebong gomme o age godimo. Le se ke la leka go thoma godimo ga ntlhora; ga le na le motheo wo o itšego. Gomme bjoo ke bothata ka yona lehono, baena, ga ba tsee Ye, “Go re swanetše go phethagatše toko yohle.”

Elang hloko Barongwa ba bjale.

¹²¹ Gomme Johane Mokolobetši, Paulo, ba go fapanā, ge ba bone Letago lela la Modimo le Seetša sela, ba Se khunametše. Bona, ee, ba be ba Se hlompha, ba be ba Se hlompha, gobane gore ba be ba ikokobeditše bonabeng.

¹²² Gomme Barongwa ba, ebile, modiredi yola ka Bogoneng bja Gagwe, o khupetše maoto a Bona godimo le go khupetše sefahlego sa Bona. Oo, nna! Bjale elang hloko, ka pela bjale, O bile le diphego tše pedi gape, gomme, ka se, O kgonne go ipea Yenamong ka tirong.

¹²³ Bjale a mohlanka wa kgontho yo a lego, wa Modimo, o tsebile, go bontšha moprofeta ka fao mohlanka wa Gagwe yo a lokišitšwego a swanetšego go ba. Mohlanka yo a itokišeditšego o be eng? Bjale bahlanka ba ba lebelela go... O be a lebeletše mo—mo monna mo lefaseng fa le go bona go šitwa a go dirilego, ka gona Modimo o mmontšhitše Mmušo ka Legodimong, terone. Yoo ke Yena go mo lebelela. Gona O mmontšhitše seo mohlanka wa kgontho a swanetšego go ba, yoo a diretšego ka Bogeneng bja Gagwe. Gomme fa go be go le Barongwabatuki ba, nako yeo, ba khupeditše difahlego tša Bona tše kgethwa, ba khupeditše maoto a Bona, gomme ka diphego tše pedi Ba ile ka tirong; tlhomphokgolo, go kokobela, le ka tirong. Amene. Ge yoo e se mohlanka wa go apešwa, ga ke tsebe ke eng; tlhomphokgolo, go kokobela, le ka tirong. Oo, nna! Ke a le botša!

¹²⁴ Go swana le mosadi yo monnyane sedibeng, ge a lemogile mpho yela ya Modimo, gomme Monna yo yoo a boletšego o be a le Mesia, ka kgontho o mmeile tirong thwi ka pela. O lebetše ka pitša ya gagwe ya meetse. O kitimetše ka toropongkgolo, a re, “Etlang, le bone Monna Yo a mpoditšego dilo tše ke di dirilego. A ga se yena Mesia?” Oo, a tiro ye a ilego ka go yona!

¹²⁵ Petro, ge a Mo tšere Lentšung la Gagwe, bjalo ka ge re be re bolela mosong wo, ntle kua ka sekepeng. A le etše hloko? Ge Petro a tšere Lentšu la Gagwe, gomme a theošeditše nnete tlase ka fale, gomme o swere mo—mo mokgobo wo mogolo wa dihlapi, bontši bja dihlapi, ka pela Petro o tlogetše nnete gomme a ba tirong. Pele a dira seo, o ile a wela fase pele ga Morena, gomme a re, “Tloga go nna, O Morena, ke nna monna wa modiradibe.”

¹²⁶ Ge ao e se wona mantšu, a go swana le, ao Jesaya moprofeta a a boletšego, “Wa madimabe ke nna, ka gore ke bone Morena Modimo, gomme ke nna motho wa dipounama tša ditšhila.”

¹²⁷ A ga le bone se Bogona bja Morena bo se dirago go badumedi ba kgontho? Ebile ga re nyake go ipolela; re no nyaka go re, “Gabotse, rena re Pentecostal, rena re Baptist, rena re Mapresbyterian,” le go phela go ya pele. Eupša wa kgontho wa mmapale, wa go bitšwa mohlanka wa Modimo, o ikokobetša yenamong ka Bogeneng bja Modimo. Ga a Bo swaswalatše.

¹²⁸ Lebelelang yo a swaswaladitšego Morena Jesu, e be e le Bafarisei, sekgao, ba bile bona ba ba Mo swaswaladitšego.

¹²⁹ Eupša monna yo ka kgontho a bego a rata go ba mohlanka wa Gagwe, o ikokobeditše yenamong gomme o ile ka tirong. Jesu o rile, “Le tla Ntatela, gomme Ke tla le dira bathei ba batho.” Ge a bone gore Yoo ka kgontho e be e le Modimo, o ile ka tirong.

¹³⁰ Monna wa sefov yo a fodišitšwego, Beibele e boletše gore o “phatlaladitše tumo ya Gagwe gohle go kgabola naga mošola.” O ile ka tirong ge a hweditše gore Modimo o bile le Moemedi fa mo lefaseng, yo a kgonnego go bula mahlo a monna wa sefov, le go ya go dikologa a paka, a efa Modimo tumišo. Gomme Bafarisei

ba mo swere, le se se bego se eya go ba go yena, gomme bjalo ka ge ke boletše mosong wo. “Gobaneng,” o rile, “Nka se kgone go hlalosa, go ngangana thutamodimo le wena. Eupša selo se tee se ke se tsebago, moo nkile ka ba sefoufou, bjale ke a bona.” O be a le ka tirong, ka kgonthe, gobane o be a šwalalantše tumo ya Gagwe mogohle.

¹³¹ Gomme, nako ye nngwe, mohlomongwe ga se wena modiredi, go phatlalatša tumo ya Gagwe, eupša bophelo bja gago bo tla šwalalanya tumo ya Gagwe ge o ka no phela gabotse.

¹³² Batho ba go šokiša ka Pentecost, sehlopha sela sa batheadihlapi le—le bakgoboketši ba motšhelo, le go ya pele, ka mešomo ya go kokobela. Ba ile godimo fale go tshepišo ya Modimo, gomme ba letile ka kamoreng ya ka godimo lebaka la matšatši a lesome. “Gomme ka pelapela go tlie modumo go tšwa Legodimong boka phefo ye e tšutlagoo, wa tlala ntlo yohle moo ba bego ba dutše.” Gomme ba ile tirong, ka baka la gore ba bone tshepišo ya Modimo e dirwa go bonagala. E bonagaditšwe go bona, tshepišo ya Modimo, gomme e ba beile tirong. Ge tshepišo ya Gagwe e phethagaditšwe, e ba beile tirong.

¹³³ Mogwera, a nke ke bolele se. Se re se bonego ngwageng wa go feta goba ye mebedi, ka Mmušong wa Modimo, se swanetše go bea Mokriste yo mongwe le yo mongwe a tswetšwego gape ka tirong. Eupša selo sa yona ke, ga re—ga re e hlomphe, go lemoga gore ke Modimo. Re—re no ba mohuta wa go fišegelwa gannyane. Re rata go bona dilo tše nnyane, le go fa maikutlo. Re rata go ikwela gabotse. Re rata go dira dilo tše. Eupša ge ka kgonthe go etla go go hlompha Lona le go Le dumela ka pelo ya rena yohle, go re bea ka tirong.

¹³⁴ Gabotse, ge Morongwa a kopane le Maria mosong wola mo tseleng go ya sedibeng, le go mmotša o be a “eya go ba le Lesea, a sa tsebe monna,” e mmeile ka tirong. O ile ka pela, a botša yo mongwe le yo mongwe gore o be a “eya go ba le Lesea, a sa tsebe monna.” O be a sa tshwenyege se e bego e se ra go se batho ba se boletsego. Gabotse o be a kopane le Morongwa wa Modimo, gomme e mmeile ka tirong. O be a lemoga gore Moya wo Mokgethwa o be o le godimo ga gagwe, o hlola ka go yena Bophelo.

¹³⁵ Oo, ge re ka no lemoga seo, gore Moya wo Mokgethwa o godimo ga rena, o hlola ka go rena tumelo, a leka go itšweletša Yenamong ka go ditsela tše dintši tša go fapano le dimpho, go hlola tumelo bakeng sa Kereke ya tlhatlgo. E swanetše go re bea ka tirong. Eupša ke a makala ge eba re no e dira ka tsela ye A e nyakilego go ba, ka tlhomphokgolo le boikokobetšo?

¹³⁶ Pilara ya Mollo ka go matšatši a a mafelelo e swanetše go bea kereke ka moka ka go tiro, Le hlatsetšwa, maswao a go Tla ga Gagwe go batametše.

¹³⁷ Israele e ile morago go nagalegae ya yona. Jesu o rile, “Ge mohlare wa mogo o khukhuša, moloko wo o ka se fete go fihla dilo tšohle tše di phethagaditšwe.” Ge Israele e boela nagalegaeng ya gagwe gomme ya ba setšhaba, moloko wola o tla bona go Tla ga Mesia.

¹³⁸ Ke hweditše seripa go tšwa go rabi ka Palestina, letšatši le lengwe, se be se ratha kudu. Go na le morara wo monnyane, ngwaga wo, o godile ka Palestina woo o sega wa ke wa bonwa kua makgolo le makgolo le makgolo a mengwaga. Gomme e akanyeditšwepele, ke Bajuda, gore ge merara yela e gola gape, Mesia o tseleng ya Gagwe.

¹³⁹ Banna ba bohlale bao ba tšwago godimo ka Babilonia, gomme ba be ba ithuta dinaledi. Ba be ba le baithutadinaledi. Gomme ge ba be ba ithuta dinaledi, ba bone dinaledi tše tharo tše di lokologana. Naledi ya Hama, Seme, le Jafete, yeo ba tswetšwe ka tlase ga yona, e beilwe mothalong, gomme ba tsebile. Badumedi bale ba saense ba šeditše diphedi tša legodimong, ka fao ba sepetšego, gomme ge ba bone dinaledi tšela di etla ka mothalong godimo ga Jerusalema. Ka gore, ge ba be ba le ka Babilonia, ba lebeletše thwi go otloga go leba Jerusalema, go leba Bodikela, go e bona. Gomme ge ba bone seo se etla ka gare, ba tsebile gore ge dinaledi tšela di etla ka mothalong le seng sa tšona, Mesia o be a le lefaseng. Letago!

¹⁴⁰ Gomme ge re bona Israele e eya gae, gomme Moya wo Mokgethwa o tšhollelwa ntle ka dikerekeng, ditaba tša mohlakanelwa tša go ya mmogo, le Khansèle ya Dikereke, le dilo, le Bokatoliki bja Roma le Boprotestant bo kopana mmogo, Mesia o ya go tla go ubula Monyalwa wa Gagwe.

¹⁴¹ Gomme Modimo o romela dimpho, go leka go hlola ka go rena tumelo ye e tla re šuthišago go tšwa mo, letšatši le lengwe, go ya ka go Tlhatlogo; e fodiša balwetši, e bula mahlo a difofu, e tsošetša bahu godimo!

¹⁴² Maswao a magolo legodimong godimo, Barongwa ba etla ka sehlopha! Gomme borasaense ba e lebeletše, e akanyeditšwepele dikgwedi pele e direga. E be e le fao. E fao ka go kgatišobaka. E boletšwe dikgwedi pele e direga! Barongwa ba šupago ba tla tlase, gomme ba rile, “Kutollo ya go felela ya sephiri sa lehuto la boselela sa Modimo e tla tatollwa.” Gomme e be e le fao feela tlwa boka A boletše, e akanyeditšwepele pele e direga.

¹⁴³ Gomme ba lebelela go dikologa, ba hwetša mehuta yohle ya diponagalo tša sephiri, gomme ba di bitša diphedi tša kagodimogatlago tša mohuta tsoko. Ba e bitša dipiring tša go fofa, maswao a go tšhoša lefaufaung, lefaseng. Maswao, maswao a šupa go rena gore go Tla ga Morena Jesu go batametše.

¹⁴⁴ Bjale dimela tše nnyane tša morara godimo. Israele ke setšhaba sa gagwe mong. O na le setšhaba sa gagwe mong, folaga ya gagwe mong. Naledi ya kgale ya ntlha tše tshela ya Dafida,

folaga ya kgalekgale lefaseng, e fofela gape, lekga la mathomo lebaka la e ka ba mengwaga ye makgolo a masomepeditlhano. Ba na le sešole sa bona beng. Ba na le tšelete ya bona beng. Ba kgauswi... emetšwe ka go Ditšhaba Kopano. Ke bona setšhaba, lekga la mathomo lebaka la mengwaga ye makgolo a masomepedi tlhano. Gomme ge ba be ba sa kgobokana ka gare...

¹⁴⁵ Ke na le theipi ya yona, seswantšho, re se bitša *Metsotso Ye Meraro Go Fihla Bošegogare*. Gomme ka go yeo, ba botšišitše Bajuda ba, ba ba tliša ka gare, batšofe, mokokotlong wa bona, ba ba rwele. Ba re, “A le tlide nagalegaeng go hwa?” “Aowa, re tla go bona Mesia.” Amene. Ge le bona tšona dipotšišo, tšeо ke tšhupamabaka ya Modimo, gore Mesia o itokišetša go bonagala. Oo, nna!

¹⁴⁶ Re swanetše go kokobela. Re swanetše go ba tlhomphokgolo bjang! Ka fao re swanetšego go ba tirong, go leka go dira soulo ye nngwe le ye nngwe e phološwe yeo re ka kgonago, go phatlalatša dipeu go tloga go la go ja go ya go la nngele, le go dira se sengwe le se sengwe re kgonago.

¹⁴⁷ Eupša sebakeng sa seo, re re, “Letago go Modimo, ga ke ikwele go ya bošegong bjo. Ke a dumela, gabotse, ke a dumela ke tla dula gae le go bona kgašo ye botse ye bošegong bjo. Ke kopano ya thapelo, eupša...” Kereke ya go robala, ya Laodikia, ya go huma! Oo, nna! Ke rena bao.

E swanetše go re Bea ka tirong.

¹⁴⁸ Rena, boka moprofeta, re bone go tšwa go go iphagamiša mong, dikerekemaina. Re bona tlwa lehono, ka kerekeng, se se diregilego, bjalo ka ge Jesaya a bone. O bone monna efela a hlompšha ke Modimo, eupša re mmone, o mmone a iphagamiša yenamong gomme a otlwa ka lephera. Rena lehono, re bona selo sa go swana, sa dikerekemaina tša go iphagamiša mong, “Ke rena ba bagologolo ba sehlopha. Re na le maloko a mantši go feta ka moka ga bona.” Go iphagamiša mong, go bona lephera la gosedumele le ba ratha, gomme ba lahlelwa ntle.

¹⁴⁹ Gona re swanetše go be re lebeletše pono go tšwa Legodimong, yeo e tla re laetšago Jesu Kriste magareng ga rena, Lentšu la Gagwe le le tshepišitšwego gore O tla e dira, ee, mohlomphegi, go huetšwa e sego ka tshepedišo tsoko ya madirwakemotho, eupša go huetšwa ke Modimo Yenamong.

¹⁵⁰ Re a ba hwetša, boka Usia, ba lahlegelwa ke maswaro a bona go Lentšu, gobane ba Le fetolantše bakeng sa dithutotumelo, ba leka go itira bonabeng boka Usia wa kgale, go leka go tsea lefelo la ofisi ye e tloditšwego ka morago ga sefala, le go gana Lentšu la Modimo la therešo. Ga ba sa na le taba morago kua go feta ka mo Usia a dirilego ka go seo, go aletara yela, ka diorelo. Monna yo a teleimago go ba Mokriste, gomme o tla gana dintlha tša Lentšu, ga a sa na le taba ka phuluphithing go feta se Usia a bilego le sona

le wola—le moruswi wola. Monna yo a tteleimilego go kolobetšwa ka Moya wo Mokgethwa, le go šegofatšwa ke Modimo, gomme o tla ema godimo le go gana Beibele yela le Therešo ya Yona, o E fetotše bakeng sa thutotumelo goba se sengwe, o nno tlala ka lephera la sebe le gosendumele boka Usia a bile.

¹⁵¹ O tlošitšwe ofising, eupša ba leka go phethagatša ofisi yeo ka bohlale. “Ke nna Ngaka Ph.D., LL.D. *Semangmang*.” Le a bona, ba leka go tšea yeo gomme ba beapele thuto bakeng sa tlotšo ya Moya wo Mokgethwa. Le a bona, kagona, motho a ka tšea Beibele yela, gomme setheo se itšego se segolo se ka e hlalosa le go e aroganya, le go e bea ntle mo le go e lokiša go e dira e lebege botse gabotse go wena. Bjoo ke bohlale. Ke ka gobane o ithutile le go ithuta, ka barongwa ba le dilo, mokgwa wa go e bea mmogo.

¹⁵² Eupsa a nke ke le botše se sengwe. Ge Modimo a etla fase ka go Lentšu la Gagwe, ga A no le bea mmogo, O Le bonagatša ntle kua le go Le dira le phele, le go Le hlatsela le go Le netefatša, gore ke Therešo. Yeo ke therešo ya Lentšu. Moo ke ge Modimo ka Boyena a bolela.

¹⁵³ Pono e amile moprofeta. Oo, khuetšo ye pono e bego e na le yona godimo ga gagwe! E hlotše moprofeta yo . . .

¹⁵⁴ Bjale, elelwang, o be a lebeletše motho. Eupsa ge a bone se sengwe sa kgonthe . . . O be a šeditše bophelo bjo bokgethwa bja motho, o mo šeditše a šitwa, o mmone a tšea lephera gomme a hwa. Le lebeletše selo sa go swana ka go dikerekemaina tša lena. Le bona moo ye nngwe le ye nngwe ya tšona e ilego?

¹⁵⁵ Bjale mosepelo wo mogolo wo wa mohlakanelwa. Ge kereke e se ka go mosepelo wo wa mohlakanelwa, ka go nako ya—ya tšhoganetšo, kereke yeo e ka se kgone go šomišwa bjalo ka kereke. “Gomme ga go modiredi yo a ka kgonago go direla mang kapa mang, o tla bolawa ka go dira bjalo. Ge a direla tšhegofatšo ye e itšego go batho ka ntle, o na le mosepelo wa mohlakanelwa.” Seo ke tlwa ka go dingwalwa lehono, ka Lutheran; ke lebala leina la gagwe. Le a bona, yeo ke nnete. “Kereke ya gago go ka se kgone go rapelwa ka go yona; e tla dirwa lefelo la bobolokelo.” Bonang leswao la sebata le šetše le etla ka maatla, gomme re le lebeletše. Nako, oo, e swanetše go bea kereke tiragalang. Ka kgonthe, e swanetše go.

¹⁵⁶ Šetšang khuetšo ya pono bjale, se e se dirilego go moprofeta. E mo dirile . . . morago ga go bogela monna yola, le go e bona e šitwa. O bone Modimo a befeletše monna, gomme a tloga go yena, gomme a mo phara ka lephera.

¹⁵⁷ Morago o ile tlase tempeleng, go re, “Morena Modimo, ke a tseba O Modimo. Gomme ke be ke lebeletše selo sa phošo.” Gomme nako yeo Modimo o mmontšhitše pono. Gomme e sego feela pono, eupša pono e be e hlatselwa; ka gore, magareng ga bona go be go le Barongwabatuki ba fofela morago le pele,

gomme le segalontšu sa Bona se šišintše moago ge o etla mmogo, direpodi tša wona.

¹⁵⁸ Gomme ka gona, le a bona, o bone se sengwe sa kgonthe. Gomme, efela, o be a le moprofeta. O be a le... Mo—mo moprofeta ke yo Lentšu le tlago go yena. Eupša o be a se a ke a ya ntle ka sekgaong gape go feta se a bego a se lebeletše, mogale wa gagwe, Usia, a lebeletše modiša, mo—mo moisa yo mogolo. Gomme ge a bone go šitwa fale, ga Lentšu, gomme a bona Lentšu le kgalemela monna ka gore o be a tšea ofisi ye a bego a se na le taba ya go ba go yona, ka gona go diregile eng? O lebeletše godimo, gomme o bone Morena.

¹⁵⁹ A le kgona go bala gare ga methaladi? A le kgona go bona se ke se bolelagoo bjale? Morena Jesu yoo a tshepišitšego, “Bjalo ka ge go bile matšatšing a Loto, go tla ba bjalo mo go tleng ga Morwa wa motho.” Yena Modimo yo a ngwadilego Beibele, o rile, “Jesu Kriste o a swana maabane, lehono, le go ya go ile.” Gomme O rile, “Yo a dumelago go Nna, mediro ye Ke e dirago o tla e dira le yena.” A le hwetša se ke se rago?

¹⁶⁰ Nako yeo monna yola wa pelo ya go botega o bone Letago la Modimo, o Le bone mo tirong. Gomme o goaleditše ntle, bjalo ka modiradibe, gomme o ipoletše yenamong go ba modiradibe. Ga se nke a ke a bona e ka ba eng boka yeo, kgonthe kudu, pele. O ipoletše gore o be a le modiradibe.

¹⁶¹ Gona go diregile eng? Ge moprofeta a loketše go ipolela, gona go tla tlhwekišo ya kgonthe.

¹⁶² Go fihla ge batho ba lokela go ipolela, ga go bohlokwa go ba le ditirelo tše tša phodišo. Ge o ka ipolela dibe tša gago, wa ipolela gosedumele ga gago, ipolele dilo tše o di dirago ka phošo, gona Modimo a ka kgona go dira se sengwe. Eupša go fihla go na le boipolelo, go ka se kgone go ba tlhwekišo.

¹⁶³ Gomme ka pela ge Jesaya a rile, “Wa madimabe ke nna! Ke motho wa dipounama tša ditšila, gomme ke dula le batho ba dipounama tša ditšila.” Morago gwa tla boipolelo, gore, morago gwa tla Mokerubi ka Mollo. A le etše hloko? Modimo ga se a ke a šomiša seminari go mo hlwekiša ka yona. Ga se a ke a šomiša pu—pu puku ya melao go mo hlwekiša ka yona. O mo hlwekišitše ka Mollo.

¹⁶⁴ Modimo ka mehla o hlwekiša bahlanka ba Gagwe, ge A loketše go ba bea ka mošomong, ka Moya wo Mokgethwa le Mollo. Modimo o hlwekiša ka Mollo; e sego ka dipuku, e sego ka thuto, e sego ka kgopoloo ya bohlale, e sego ka kerekeleina. Eupša ka Mollo wa Moya wo Mokgethwa, Modimo o hlwekiša mohlanka wa Gagwe.

¹⁶⁵ Gona elang hloko, gona, ka morago ga boipolelo, ka morago ga tlhwekišo, morago go tla thomo. Morago go bile thomo. Ka morago ga go ipolela le go hlwekišwa, e bile nako yeo mo Jesaya wa go hlweka a arabilego Modimo, le go re, “Ke nna yo, roma

nna.” Ka morago ga ge a hlwekišitšwe, a ipoletše, a hlwekišwa ke Mollo, ka gona Jesaya yola wa go hlweka o be a loketše mošomo. O be a loketše go ba mohlala. O be a loketše go—go swanela go bea bophelo bja gagwe ntle, gore ba bangwe ba kgone go huetšwa ke yena.

¹⁶⁶ Eupša go fihla a e boletše, go fihla a hlwekišitšwe, gona o be a le khuetšo ya go šokiša kudu, feela bjalo ka sešomišwa bakeng sa kgoši.

¹⁶⁷ Bjale o hlwekišitšwe, bjale o ipoletše le go hlwekišwa, le go bitšwa le go rongwa go ba moperfeta. Gomme Modimo o mo dumelletše go ngwala Beibele ka moka, ka go Dipuku tše masometshela tshela tša Beibele, go na le ditema tše masometshela tshela tša Jesaya. O thoma ka go Genesi; bogare bja Puku go tla Johane Mokolobetsi; gomme o ya thwi godimo ka go pušo ya Mileniamo, ka go Jesaya 65 le 66, yeo ke nnete, Kutollo. O ngwadile dintilha ka moka tša Beibele. Gobaneng? Gobane o ikokobeditše yenamong ge a bone Bogona bja Modimo.

¹⁶⁸ O dirile eng? Gomme ya gagwe, morago ga ge a dirile seo, gomme a ikokobetša yenamong gomme a hlwekišwa le go beelwa thoko, le go hlwekišwa le go rongwa, o hueditše dimilione tša batho. Puku ya gagwe še, Mongwalo wa Jesaya šo woo o hueditšego banna go tloga nako yela go theogela go ye. Khuetšo ya gagwe e a kgatlampana.

¹⁶⁹ Beibele e rile, “Mediro ya bona e a ba latela.” Bjalo ka ge Moya wo Mokgethwa o boditše Johane, go Kutollo, goba go Sehlakahlake sa Patimo, “Wena o swanetše go profeta le bjale pele ga dikgoši le ditšhaba le batho.” Puku ya Kutollo e sa profeta. “Ba khutša go tloga go mešomo ya bona, eupša mediro ya bona e a ba latela.” Khuetšo ya bona yeo ba bilego le yona, e sa ba latela. Le a bona? Ka kgonthe, ke yona.

¹⁷⁰ Gomme bjale, lehono, re hwetša selo sa go swana, khuetšo. Re swanetše go huetša.

¹⁷¹ Pele re ka huetša, re swanetše go lemoga Modimo, re swanetše go hlweka, re swanetše go kokobela. Re swanetše go ya fase renabeng, le go tseba, go no tšwelapele go eleletše le go tseba ka fao o lego yo monnyane. Ga o selo. Ga ke selo. Gomme ga a gona wa rena a lego selo, eupša Yena ke tšohle. O ne maswanedi a tumišo yohle, O Kwana ya Modimo. Se re se hlokago ke go ya morago tempeleng, re hloka go ya morago aletareng ya Modimo le go dira aletara ka dipelong tša rena beng, moo gore re kgone go ineela renabeng, gomme ka gona re bone Morena Modimo wa mašaba o tlide fase ka go matšatši a a mafelelo le go dira se A se dirilego ge A be a le mo pele. Gona le tla e kwešiša, le go goelela, “Wa madimabe ke nna!”

Ge legala la Mollo le kgwathile moprofeta,
 Go mo dira tlhweko ka mo tlhweko e kgonago
 go ba,
 Ge Segalontšu sa Modimo se rile, “Ke mang a
 tla re yelago?”
 Ka gona a araba, “Morena, mo, roma nna.”

¹⁷² A yeo ke nnete? A re e opeleeng.

Bolela, Morena wa ka, bolela, Morena wa ka,
 Bolela, gomme ke tla akgofa go araba . . . nna;
 Bolela, Morena wa ka, bolela, Morena wa ka,
 Bolela, gomme ke tla araba, “Morena,
 nthome.”

Theetšang, bagwera:

Dimilione bjale ka sebeng le dihlong ba a hwa,
 Theetšang sello sa bona sa manyami le kgalako;
 Phakiša, ngwanešu, phakišetša tlhakodišong
 ya bona;
 Ka pela araba, “Morena, ke nna yo.”
 Bjale bolela, Morena wa ka, bolela, Morena wa
 ka,
 Bolela, gomme ke tla hlaganelo go Go araba;
 Bolela, Morena wa ka, bolela, Morena wa ka,
 Bolela, gomme ke tla araba, “Morena,
 nthome.”

¹⁷³ A le a Mo rata? A re inamišeng dihlogo tša rena bjale, feela
 nakwana, le go hama ye.

. . . legala la Mollo le kgwathile moprofeta,

¹⁷⁴ A re e boboleng bjale.

Go mo dira tlhweko ka mo tlhweko e kgonago
 go ba,
 Ge Segalontšu sa Modimo se rile, “Ke mang a
 tla re yelago?”
 Ka gona a araba, “Mong, mo, roma nna.”
 Bolela, Morena wa ka, bolela, Morena wa ka,
 Bolela, gomme ke tla hlaganelo go Go araba;
 Bolela, Morena wa ka, bolela, Morena wa ka,
 Bolela, gomme ke tla araba, “Morena,
 nthome.”

¹⁷⁵ Tate wa Legodimong, re letile bakeng sa tlhwekišo ya
 gosedumele gohle, ka gobane ka therešo dimilione bjale ka
 sebeng le dihlong ba a hwa. Ke botse bofe, Morena, bo go dirago,
 gore re—gore re a ipolela, ntle le go ba le se re ipolelago go ba
 le sona? Go re dira gabotse bjang go leka go eleletša ka mahlale
 a rena gore se sengwe se diregile, ge ka kgonthe re tseba ga se
 se direge? Tate wa rena wa Legodimong, re a rapela gore O tla
 re hlwekiša bjale go tloga go gosedumele gohle ga rena, le dilo

tšohle tša rena tša senama tša bophelo, gore re ke re hlweke ka Madi a Morena Jesu.

¹⁷⁶ Sehlopha se mo ka Chicago, ka pono yela mosong wo mongwe, Morena, ke a tseba go na le karolo ya Monyalwa yola e letile mo, gomme ga ke tsebe feela mokgwa wa go e swara, Morena. Ke no bjala dipeu kae kapa kae nka kgonago. Ke a rapela, Modimo, ge eba go ne bona fa, bosegong bjo, bao—bao ba sa—bao ba se nago boitemogelo bjo, gore ga se ba ke ba tsoge ba ba le go bona Mmušo wa kgontha wa Modimo o bonagatšwa, ga se ba tsoge ba kwa dipoelo tša yona, le go bona maphele a bona go kgonana le Lentšu lohle, le go kgona, le go ya pele; Morena, efa bosegong bjo gore bjo e tla ba bošego bjo ba tla e dirago. E fe, Tate. Re rapela se ka Leina la Jesu. Amene.

¹⁷⁷ Bjale ka tlhomphokgolo. Ke—ke na le nneta le ntseba gabotse go lekanelia, goba ke a holofela le a dira. Ga ke lehlanya. Ge ke le, ga—ga ke e tsebe. Gomme ga ke dumele gore Modimo o hlompha mahlanya. Mengwaga ye yohle, le mo tshemong, go ka be go bile le se sengwe se direga. Ke nna ngwanabolena. Eupša ke—ke dumela ka pelo ya ka yohle gore... Bjale nka se kgone go re Morena o mpoditše, eupša ke a dumela gore moloko wo o phelago bjale o tla hlatsela Tlhatlogo yela. Ke ka fao go lego kgauswi, ke a dumela. Ga ke kgone go bona selo gape se etla. Le a bona, se sengwe le se sengwe se sepetše thwi godimo go lefelo la sona.

¹⁷⁸ Le eelwa selo sa mafelelo se se diregilego pele Sodoma e tšhungwa? Morena o bonagaditšwe ka nameng ya motho. Bjale, O be a le Monna. O ja nama gomme O nwele maswi go tšwa kgomong, le go ja borotho bja lehea, le go ja namane ya kgomo, le go ema fale le go ja. Gomme go le bjalo Abraham, yo a boletšego le Yena, o boletše gore e be e le “Ramaatlakamoka Modimo.” Ka nameng ya motho? Ee. O be a bontšha mohlala wa se A bego a eya go se dira mo matšatšing a mafelelo. Jesu o boletše morago go yona.

¹⁷⁹ Gomme šetšang bodiredi bjoo A bo dirilego. Selo sa pele, O šupeditše morago go tshepišo ya Gagwe. Mmm! A le bona lehlakore la thutamodimo la yona? Le a bona, O rile, “Ke go diretše tshepišo, gomme bjale ke mo go e tiišetša.” Gomme bjale re tseba bjang gore tshepišo ke... Šetšang yeo. Ba be ba letile. Feela pele mollo o ewa, Abraham le Sarah ba be ba letetše morwa wa tshepišo. Modimo o tšweletše ka nameng ya motho le go dira maswao pele ga bona, ao Jesu a a šupilego go tla ba selo sa go swana ka go Tleng ga Gagwe, ao Yena Morwa a tshepišitšego. Gomme re lemogile seo bjale, go ya pele, mengwaga ye lesometlhano.

¹⁸⁰ Gomme go le bjalo kereke e a befabefi. Ga go makatše, gabotse re kgona go bona re ka Lebaka la Laodikia.

¹⁸¹ Bjale Moya wo Mokgethwa o fa. Go ka no ba le ba batee ka fa... Rena re, rena re, rena re—rena re be re rapelela balwetši, eupša ke dira pitšo ya aletara. Ke dira pitšo ya aletara go bobedi diprofesa le bao ba sego ba ke ba dira boipolelo. Ke le kgopela go ya le nna tempeleng ya Modimo, ye e lego ka go lena. Eya go lefelo la boipolelo la pelo ya gago, gomme o re, “Morena Modimo, ntlhwekiše. Gomme romela Morongwa, ka legala la Mollo, le—le go tsea go tšwa go nna gosedumele gohle, gore bosegong bjo ke tla lemoga Bogona bja Modimo, bjalo ka ge Jesaya moprofeta a dirile ge Morongwa a mo kgwathile.” Ke nyaka o dire seo, gomme ka kgonthe o hlokokafale.

¹⁸² Gomme bjale re na le tshepišo ya lebaka le. Ga se ra tshepišwa sehlopha se segolo sa thutamodimo. Re tshepišitšwe...

¹⁸³ Lebelelang, ba—ba Bahebere ba bile le mengwaga ye dikete tše pedi tša thutamodimo, eupša ba bile le leswao le filwego go bona pele ba senywa. Loto le bona ba bile le leswao le lengwe le filwe go bona. Ba bone leswao la go swana. Gomme bjale ge Modimo a dumelela batho... Ge Jesu a be a le mo, O dirile leswao la go swana go Bahebere, O le dirile go Basamaria, gomme e sego go Bantle.

¹⁸⁴ Bjale bjo ke bofelo bja Lebaka la Bantle, boka go bile nako yela go lebaka la bona. Kereke ya Bantle e a bitšwa. Bjale, Modimo a ka se kgone go fetola lenaneo la Gagwe, ka gore Yena ga a felele, gomme Yena o phethagetše, motlagohle, motsebatšohle, mokgonatšohle, le mohlokamagomo. Ge A se, Yena ga se Modimo. Kafao, le a bona, O swanetše go dira selo sa go swana A se dirilego nako yela. Ke ka lebaka leo ba tsebilego ka go moloko wo mongwe le wo mongwe woo A iponagaditšego Yenamong, e be e le tsela ye e swanago, go tseba gore O a swana.

¹⁸⁵ Bjale, ge Jesu Kriste a ka be aeme fa, bosegong bjo, mo sefaleng se; ge A ka be aeme fa, selo se nnoši seo A bego a tla se dira, e be e tla ba selo sa go swana A se dirilego ge A be a le morago fa, go dira batho go kwešiša gore O be a le Morwa wa Modimo.

¹⁸⁶ Bjale O mo. O tshepišitše go ba mo, gomme bjale tsela e nnoši ye A ka kgonago go šoma ke ka tshepišo ya Gagwe. “Ke nna Morara; lena le makala.” Gomme makala a bea bohlatsé gore bophelo bo tšwa go morara, goba ga o na le bophelo bjo bo itšego ka go wona. Eupša ge le maatlafatšwa ke bophelo, le na le bophelo bjo bo swanago bjo morara o nago nabjo. Bo—bo a ikgapeletša bjonamong, goba go ikgorometša bjonamong godimo ka go lekala.

¹⁸⁷ Bjale ebang le tlhomphokgolo nakwana. Gomme a nke Modimo wa Legodimo a nthuše, gore, lena go theroye yeo ke e rerilego, gore ge... Jesaya, modumedi yola, ge a etla go lefelo moo a bonego go šitwa ga motho yo a lekilego go emela Modimo,

nako yeo o bone Modimo a etla fase, le kgontha go yona, nako yeo o gooleditše, "Wa madimabe ke nna!" Gobane, Modimo o be a dirile tshepišo boka yeo. O e dirile go moloko wo mongwe le wo mongwe. O e dira go rena, ka go moloko wo wa rena. Re bona se sengwe le se sengwe tlwa lenaneong bakeng sa go Tla ga Gagwe.

¹⁸⁸ Bjale a le a dumela O fa? Bjale a nke A nthuše.

¹⁸⁹ Gomme ke nyaka go tseba ke batho ba bakae ba babjago ba lego ntle fale, phagamišang diatla tša lena. Le ne tumelo. Gomme bjale ke le kgopela go tše Lengwalo le, Bahebere, gore, "Yena ke Moprista yo Mogolo wa boipolelo bja rena, gomme A ka kgona go kgwathwa ke maikutlo a mabofokodi a rena."

¹⁹⁰ Bjale rapelang, "Modimo, a nke ke Go kgwathe. Gomme ka gona Wena, ka go bušetša, bolela morago ka Ngwanešu Branham, go swana le ge O dirile ka Morwa wa Gago wa kgontha. O no ba ngwana yo a beilwego, go swana le ge ke le. Eupša O tshepišitše gore ka matšatšing a a mafelelo O tla e dira. Bjale, Morena, a nke ke bone se sengwe sa kgontha." Gomme wena rapela.

¹⁹¹ A nke Modimo wa Legodimo, godimo ga motheo wa pelo ya ka e tšholletšwe ntle go ya Chicago le kae kapa kae ke yago, a nke A e tiišetše go ba bjalo.

¹⁹² Monna yola a sa tšogo tsoga morago ka setulong sa gagwe, ke moisa yo mogolo, o dutše thwi ka go otloga ka pele ga ka mo, yo a beilego diatla tša gagwe godimo. Aowa, yo motee morago, o apere hempe ye tšhweu. Ga se wena ka bowena tlwa, eupša o rapelela yo mongwe gape. Ke modiredi. A o a dumela nka go botša se e lego phošo ka yena? O na le bothata bja pelo. Ge seo e le therešo, šišinya seatla sa gago. Mo dumele bjale.

¹⁹³ Ge o ka no e dumela! Eupša o swanetše go e dumela. Ge o sa e dumele, e ka se šome. Monna ka tlhokofalo.

¹⁹⁴ Mo, mo, mo go dutše mosadi o dutše thwi fase mo mafelelong a, mosadi wa bobedi morago ka mothalong wa bobedi mo, thwi mo. O tlaišega ka bothata bja lela le legolo. Ke tshwaetšo ka go lela le legolo. Mohumagadi yo monnyane ka mafelelong kua, mohuta wa hlogo ye pududu, ema ka maoto a gago gore batho ba kgone go go bona. Ee, yoo ke wena. Yeo ke therešo. Ke tshwaetšo ka go lela le legolo, gomme gape o na le dilo tše dingwe tša phošo, ditlhakahlakano. Ge yeo e le nnete, phagamiša seatla sa gago.

¹⁹⁵ Bjale o kgwathile mang? E sego nna. O Mo kgwathile. Jesu Kriste o a swana maabane, lehono, le go ya go ile.

¹⁹⁶ Mohumagadi šo o dutše thwi morago mo. O na le bothata, o rorela ka hlogong ya gagwe, o a tšhoga, ditlhakatlakano. Mdi. Pfeiffer, o dumela ka pelo ya gago yohle. Emelela ka maoto a gago. Ga ke go tsebe, eupša Jesu Kriste o go fa tlhologelo ya gago. Ga se nke ka ke ka mmona bophelong bja ka; ke mosetsebje go nna. Go tla ema. Se tshwenyege. Tumelo ya gago e go fodišitše.

¹⁹⁷ A le a dumela? A ga le bone seo ke se A se tshepišitšego?

¹⁹⁸ Monna yola a dutšego morago fale. Fale, a ga le bone Seetša sela? Ke yo mobe kudu. O bile le sekutu mo mogolong wa gagwe. O bile le karo; ngaka ga a mo fe kholofelo ye ntši go yona. A o a dumela gore Modimo o tla go dira o welwe ke maruru? A o a e amogela, Mna. Stonelake? A o dumela ka pelo ya gago yohle? Go lokile, emeleta ka maoto a gago, Jesu Kriste o tla go dira o welwe ke maruru.

“Ge o ka kgona go dumela!”

¹⁹⁹ Mohumagadi yo a robetšego godimo mo godimo ga leako le. Ka nnete, ga o na le karata ya thapelo, ga go na le selo se se bjalo bjale. O golofetše. A o dumela se go ba Therešo? A o dumela se o se kwelego bošegong bjo ke Therešo? Ge o robetše fao, o tla hwa. Eupša Jesu Kriste a ka kgona go fodiša bogole. A o a dumela gore O tla e dira? Ge o ka e dumela gomme wa e amogela, gona o ka kgona go tsoga go tšwa malaong ao gomme wa ya gae, ka Leina la Jesu Kriste, le go dirwa go loka.

²⁰⁰ Šole o a tla, a phagamela thwi go tšwa go lona. Yo mongwe mo fe go phagama go gonyane fale bjale, o golofetše. Yo mongwe... Šole o itliša ka boyena, godimo go tšwa setulong, o thakgafaditšwe, ka Leina la Jesu Kriste.

²⁰¹ A le dumela ka pelo ya lena yohle? [Phuthego e a hlalala—Mor.] Gona emang ka maoto a lena gomme...

²⁰² Fale go tla mosadi wa go golofala a sepela go kgabola batheeletši!...?...

Bolela, Morena wa ka... (Tlotša.)

A o dumela ka pelo ya gago yohle?

²⁰³ Go na le monna yo mongwe, yo a bego a golofetše, go tšwa ka mpeteaneng; o tlide godimo go tšwa ka mpeteaneng, a tagafatša Modimo!

A le a dumela?

²⁰⁴ O go kae yo mongwe? Mepeteana yohle ga e ne selo, se sengwe le se sengwe! Yo mongwe le yo mongwe o maotong a bona, ba tumiša Modimo!

Ge legala la Mollo le kgwathile moprofeta!

²⁰⁵ Go na le mosadi wa go golofala o sepelela godimo sefaleng! Tumišo e be go Modimo! Mo feng letago le tumišo!

²⁰⁶ Monna yo mongwe šo o tla godimo ga sefala. Mo lebelele a sepela go rotoga materapo, Ngwanešu Fitch.

²⁰⁷ A re feng Modimo tumišo. Phagamišetšang diatla tša lena godimo gomme le fe Modimo letago.



KHUETŠO NST63-0803E
(Influence)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšboa, Agostose 3, 1963, ka Lane Tech High School ka Chicago, Illinois, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org